




محنة السرقة الكبرى



FARES_MASRY

www.ibtesama.com

منتديات مجلة الإبتسامة

سامح مهران

FARES_MASRY
www.ibtesama.com
منتديات مجلة الإبتسامة

السرقفة الكبرى

مسرحية

تأليف

سامح مهران

تقديم

د. سيد الامام

وزارة الثقافة



٤

سلسلة شهرية تنشر النصوص المسرحية الطويلة
لمختلف الأجيال وتحيي حركة النقد بدراسات نقدية

• هيئة التحرير •

رئيس التحرير

د. محمود نسيم

مدير التحرير

سعيد حجاج

سكرتير التحرير

محمد أبوشادي

سلسلة

نصوص مسرحية

تصدرها

الهيئة العامة لقصور الثقافة

رئيس مجلس الإدارة

سعد عبد الرحمن

أمين عام النشر

محمد أبوالمجد

مدير عام النشر

ابتهال العسلى

الإشراف الفني

د. خالد سرور

• السرقة الكبرى

• سامح مهران

• الطبعة الأولى،

الهيئة العامة لقصور الثقافة

القاهرة - 2013 م

13,5 x 19,5 سم

• تصميم الغلاف،

عماد عبد الفنى

• المراجعة اللغوية،

شعبان ناجى

• رقم الإيداع، ٢٠١٣ / ١٤٥٣١

• الترخيم الدولي، 978-977-718-453-3

• المراسلات:

باسم / مدير التحرير

على العنوان التالي، ١٦ شارع أمين

سامى - القصر العيسى

القاهرة - رقم بريدى ١١56١

ت، 2794789١ (داخلى، ١80)

• الطباعة والتنفيذ،

شركة الأمل للطباعة والنشر

ت، 23904096

الآراء الواردة فى هذا الكتاب لا تعبر بالضرورة عن توجه الهيئة
بل تعبر عن رأى وتوجه المؤلف فى المقام الأول.

• حقوق النشر والطباعة محفوظة للهيئة العامة لقصور الثقافة.
• يحظر إعادة النشر أو النسخ أو الاقتباس بأية صورة إلا بإذن
كتابى من الهيئة العامة لقصور الثقافة، أو بالإشارة إلى المصدر.

السرقفة الكبرى

FARES_MASRY
www.ibtesama.com
منتديات مجلة الإبتسامة

مقدمة

FARES_MASRY
www.ibtesama.com
منتديات مجلة الإبتسامة

تحولات النموذج الأبوي من "السرقفة الكبرى" إلى "المعجنة"

بقلم د. سيد الإمام

أ- استدعاء السياق

يهيمن نموذج الحكم الأبوي على التكوينات الاجتماعية المختلفة في مستوياتها المتعددة، ولا يكاد يقتصر على تكوين الأسرة، التي تعد في القول الدارج الخلية الأولى للمجتمع، ولعله ينطلق منها بوصفها بنية صغرى، إلى بنيات أكبر تتمثل في القرية أو النجع، والحي والقبيلة، إلى الدولة. ولا أظنه بعيدا عن الأذهان ما دأب عليه الرئيس "السادات" من توصيف نفسه بالموقع الذي يشغله في النظام السياسي باعتباره كبير العائلة، وقد سوغ لنفسه - من ناحية ثانية - مواجهة معارضيه بما اعتبره "قانون العيب". ولا شك أن النموذج الأبوي قد مر بعدة تحولات في السياق التاريخي، ترافقت مع التغيرات الثقافية، قريبا أو بعدا من تأصل الوعي بالذات وبال حقوق الإنسانية وبمفهوم الكرامة، ولكن ظل النموذج يحظى

بالاحترام والتوقير، متى انطوي على الاستمساك بنسق القيم، بما فيه من "عدالة" في الحكم وتوزيع الأعباء، ورحمة، وتأسس على الاضطلاع بواجب الرعاية. وفي عقد الستينات من القرن الماضي اندمج نموذج الأبوية الراحية بدولة "الرفاة" التي تأسست في الأدبيات الأوروبية في أعقاب الحرب العالمية الثانية، على ما يعرف بالاقتصاد "الكنزي" - نسبة إلى الاقتصادي الإنجليزي "جون كينز" - حيث قامت "الدولة" بمهام جوهرية لتجفيف منابع القلاقل والهبات الاجتماعية التي يفجرها النظام الرأسمالي بتناقضاته الطبقيّة، فضمنت إعانة البطالة، والرعاية الصحية وحقّ التعليم.. الخ باعتبارها واجبات، وذلك في إطار كسر شوكة الأيديولوجية الماركسية بتنويعاتها المختلفة متفاوتة القوة والحدة في العداة للرأسمالية.

ولكن نموذج الأبوية الراحية كان يتمفصل معه- من ناحية ثانية- نموذج "الأبوية المنحطة" بوصفه نقيضها والطرف الآخر في الثنائية التي يمكن أن تفسرها، وتتضمن- في الوقت نفسه- مبرراتها. فالأبوية المنحطة تتسم بالأنانية واللامبالاة بالآخرين، ولا تتردد عن تبرير الاستغلال بأي صيغة ممكنة، وتنهب ما تراه حقوق الموقع الذي تشغله، وفي الوقت نفسه لا تؤدي ما عليها من واجبات مفترضة موضوعيا في أفق التوقع، وتعكف على الملذات والمتع

الذنيوية بأي وسيلة. وتكاد تختزل الأبوية "المنحطة-sordid"، النوع الإنساني "رجل/man- امرأة/woman"، في الأبعاد الجنسية "ذكر/male- أنثى/female"، فتتشكل رؤيتها للعالم بوصفه "عشة دجاج" لا أكثر. وفي ظل الأبوية المنحطة ينهار بالتبعية نسق القيم الأخلاقية في موقع الضبط البنيوي للتكوين، وتتبلور الخطابات المراوغة التي لا تخلو من انتهازية، فتبرر "الوسائل" بالغايات، وتروج العوالم السرية للمتعة.

ويبدو "سامح مهران" سواء في "السرقة الكبرى" أو "المعجزة"، واعيا بالتحويلات التي طرأت على "الأبوية" في الواقع المصري بدءاً من سبعينيات القرن الماضي، وبالغ الحساسية إزاء السياق التاريخي، فلا يتردد عن التصريح به وبالعلامات الدالة عليه. ففي "السرقة الكبرى" يبني شخصية "د.حمدي" الأستاذ الجامعي المتخصص في العلوم التجارية، كممثل لنموذج الأبوية الراعية ذات النزعة الاشتراكية، وقد تقوض الأساس الاقتصادي الذي تنهض عليه منذ جمد "الرئيس السادات" فيما يقول- رواتب الأساتذة، لينشغلوا بأنفسهم وبأوضاعهم التي تسمح لهم بنمط حياة كريمة، بعيداً عن المشاركة في الحركة الطلابية وما تتداعي إليه من مظاهرات ضد سياساته. وفي هذا السياق نمت الأبوية المنحطة في مجاله بما اتجهت إليه من حلول فردية تعتمد على الاتجار في المذكرات العلمية

والكتب الجامعية والدروس الخصوصية، أي أن الأساتذة وضعوا أيديهم في جيوب الطلبة فأفقدوهم الثقة فيهم، وسادت بالتبعية قيم الانحطاط العلاقة بين الطرفين، وتبخرت مجانية التعليم ولم يعد باقيا منها إلا اسمها وذكرها. ولكن "حمدي" ظل قابضا على جمرة الإيمان بمجانبة التعليم، مخلصا لمبادئه ولأداء واجبه نحو طلابه، ولعادة تدخين السجائر ولو كان في قاعة المحاضرات، فتدهور وضعه الاجتماعي، وتكشفت عورات علاقته بزوجته "د. زينب" التي بدت طيبة الاستجابة للانحطاط الخلقي والسلوكي مع تطلعها الطبقي، بينما ترتفع مخاوفه على ابنته "عبلة" التي تتمزق بين أبويها، وتهوي في العنوسة وفي حاجاتها الغريزية، دون أن يملك "الطعم" الذي يمكنه اصطيد عريس مناسب لها، ولو كان "شقة" باسمها أو وظيفة مربحة، رغم أنها جميلة وجامعية التعليم.

ب- انهيار الأبوية الرابعة

ورغم أن "حمدي" كف عن النشاط السياسي الذي طالما أسلمه للسجن والاعتقال، وبات يتحرك مع كبره في السن بين كليته وبيته، إلا أن الأبوية المنحطة التي جعلت من مجانية التعليم شعارا فارغا وخطابا مراوفا على مستوى الدولة، وقلصت أدوار الرعاية الأخرى، لا تود أن تتركه وشأنه، فراحت تتسمع ما يقوله في المحاضرات

وتتوجس خيفة من أثره على طلابه، وتبني ولو أوهام خطره عليها وعلى علاقاتها الدولية، فتخلق هدف إسكاته. وفي هذا الإطار يتولد مشهد اللقاء بين "د. صبحي" عميد الكلية والعميد "شوقي" ضابط أمن الدولة، الذي ينتهي بتدبير مكيدة تناسب قيم الانحطاط لإسكات "حمدي" وزيادة الحصار عليه وعزله في بيته، وتتجنب- في الوقت نفسه- كل ما يمكن أن يثار من المعارضة السياسية والقوي المتحدثة، باسم حقوق الإنسان، أو حرية البحث العلمي واستقلال الجامعات، فلما كان معتادا على التدخين في المحاضرات، فقد دأب طلاب- يمكن تدبيرهم- على الشكوى منه، حتى ألقى عقب سيجارة في سلة المهملات، نتج عنه حريق كاد يؤدي بحياة الطلاب، وبالتحقيق في الوقائع المختلفة وبالكتابة الموجهة عنها في بعض الصحف، يقعد حمدي- فيما يقول عميد الكلية- في بيته "أيده على خده، مكسور الجناح، ويستريح ويريح".

وعلى هذا النحو تتشكل ضغوط الانحطاط على "حمدي" في (السرقة الكبرى)، في مستوي علاقاته بالبنية الكبرى التي تربطه بالجامعة طلابا وأساتذة وإدارة، أو بالدولة نظامها السياسي وأمنها وخدامها في أجهزة الإعلام. ومن ناحية ثانية تتشكل ضغوط مماثلة في مستوي علاقاته الأسرية، حيث زوجته "زينب" التي استجابت لقيم الانحطاط السائدة ومالت للتطلع، فلم تبال بالوسائل التي يمكنه أن يبني من

خلالها "ثروة" ويعيش نمط حياة ميسرا، ونفضت عنها شعور الذنب الذي جعلها تقبل الزواج منه وتستمر في الحياة معه، لأنه سكت علي فقدانها بكارتها في عقد زواج عرفي مع أستاذها، لتنال بعثتها العلمية، ولم يشأ من ناحية ثانية أن يسائلها عن تاريخها باعتباره ملكا لها، فإذا بها تقلب له ظهر المجن، وراحت تعيره بتدني دخله، وتبكته على قيمه التي يتمسك بها، وتثير عاصفة معه ولو على قطعة جبن اضطر لأكلها من نصيبها المودع في الثلاجة، وتكشف عن كراهيته وتضن بنفسها عنه. ولم تبال بانحطاط اللغة بينهما، بعد أن انحط "السلوك" وسقط برقع الحياء، فصارت الحياة في البيت مثيرة للاشمئزاز، تعمق من أزمة الوجود المؤجل للابنة "عبلة".

على أن "مهرانا" لم يشأ في الحقيقة أن يبني خطأ دراميا مطردا ومتصاعدا يتمركز فيه "حمدي" بما عساه يفعل في ظل الضغوط التي يتعرض لها، والمخاوف التي يئن تحتها لهفة على مصير ابنته. ولكن "مهرانا" كان مشغولا فيما يبدو برؤية أفقية للواقع تعتمد على جماليات الفسيفساء بالثيمات المتماثلة والمتكاملة المتقاطعة في الوقت نفسه، ليصور عالم الانحطاط ككلية اجتماعية مهيمنة، لم تزل طرح أسئلتها الحرجة والشائكة على ذهنية "الأبوية الراعية" بأرضيتها الدينية المتسامحة وإن قبضت على الجمر. فحمدي لم يستطع كبح مخاوفه على ابنته فباح بها في الميكروباص ليتصيده عامة الناس في

الشارع برؤية أن هذه البنت مصيرها "الزنا"، مهما حاول تخفيف وطأة التوصيف على نفسه وعقله بمقولة "العلاقات الحميمة"، وإذا بالشارع نفسه- ممثلاً في السائق يجرده من كل ما معه، نظير ما شغل به الناس بمشكلته، ونظير نصحه بأن يفلق على ابنته الأبواب بالترابيس، إذا شاء أن ينجو من انتهاك شرفها. ومن ناحية ثالثة فإن "عبلة" نفسها تستدعي إلي الفضاء الدرامي خط علاقتها بصديقتها "فاتن" التي تحولت إلي عاهرة، تبني ثروة بتصيد "الذكور" الذين يرون العالم "عشة دجاج"، وتروج لاختيارها باعتباره واقعية وعقلانية لا تخلو من شطارة أو ذكاء. ومن ناحية رابعة تستدعي عبلة إلي الفضاء نفسه خط علاقتها بأحمد الممثل السينمائي الشاب الذي يقع في غرامها، ويود لو تزوجها رغم أنها أصغر منه سناً، بينما يستدعي "أحمد" الوسط السينمائي "المنتج- المخرج- الفنيين- الفنانين"، وما سادته من انحطاط يركز على صناعة "الثروة والشهرة"، غير مبال بالتداعيات الثقافية للمنتج الفني ولو كان اتجاراً بعالم "العشوائيات" بقيمة المنهارة ونمط حياته الذي تهوي فيه الكرامة الإنسانية، وبصوته الديني الذي يبدو هشاً وأجوف تسهل جرجرته إلي مساحات الهزل والسخرية بالعبارات الملتبسة المعنى. ولكن "أحمد" يعد تنوعاً في عالمه على "حمدي"، فإذا اعترضاته الفنية مشاكسة ودليل غرور، يستحق الطرد عليها من دائرة الشهرة والعمل معاً، والقضاء على وجوده فيها.

ج- الانتباه إلى الأبوية المنحطة:-

وإذا كان "مهران" يركز بصلته في "السرقة الكبرى" على عالم "حمدي" ممثلاً للأبوية الراحية قيد الانهيار في ظل هيمنة "الأبوية المنحطة" التي بدت جذورها منبثة في ذلك الأستاذ الجامعي الذي راود "زينب" عن نفسها لتحصل على بعثتها العلمية رغم أنها من حقها، بحكم تقديراتها العلمية، فقد وجه بصلته في "المعجزة" إلى عالم "الأبوية المنحطة"، وقد اتخذ نموذج هذه المرة من الطبقة الشعبية، كما تتمثل في "عبده"، كاشفاً عن فسادها وأنانيتها وتداعياتها على العلاقات ونسق القيم من حولها، على نحو لا يخلو من صراحة جارحة. ف"عبده" تاجر مواد البناء الثري دفع انحطاطه زوجته "أنشراح" إلى هجر بيته، لتلوذ ببيت "الخلواني" - في إشارة لا تخلو من مغزى إلى من بني مصر في الوجدان الشعبي - لتربي ابنته الصغيرة "تحفة"، تقديراً منها - في الوقت نفسه - لأبويته الراحية التي طالما لجأت إليها، لتلبي حاجة أسرتها، وتتقي الخدمة في البيوت. وبالرغم من ذلك لم يجد "عبده" ما يدفعه لمراجعة تصرفاته وإعادة تقييمها، بل مضى في غيه يتهم زوجته في شرفها ويندد بها بين أبنائه "حكاية ومفتاح" اللذين ضن عليهما ولم يبال باحتياجاتهما الإنسانية، ولم يتردد دون صياغة علاقة معهما مفعمة بالتناول والسباب والإيماءات المتدنية والغمزات الوقحة، حتى بات

كل منهما يتمنى موته ليظفر من بعده بثروته الخبيثة، كي يحقق
بنصيبه منها وجوده.

في هذا السياق يكشف المشهد الافتتاحي عن المسار الذي
بدا محتملا في حياة "عبلة"، حيث العالم السري المغلف بالخوف
من الفضح والعلانية، فمفتاح يقتاد عشيقته "هدية" ابنة الجزار
إلى فراشه ليلا، ليغتتم فرصة نوم أخته وغياب أبيه، بينما
تقتاد "حكاية" عشيقها "سمير"، لتتحين فرصة غياب أخيها وأبيها.
ويؤدي ما تحت الأسرة في هذا المشهد، الدور الوظيفي الذي طالما
لعبته الدواليب أو الأبواب الجانبية والغرف السرية في اختباء العشاق
لإنتاج كوميديا الموقف المتكرر في الفارص الفرنسي "الفودفيل-
vaudeville"، حيث يتعقد الموقف بوصول الأب نفسه،
بمناوشاته المقرزة مع ابنه، التي يتخللها ردود أفعال العشاق
الحبيسة تحت الأسرة.

على أن أبوية "عبده" المنحطة لا تتردد- من ناحية ثانية- عن
انتهاك "النفاق الأخلاقي"، ومنافسة ابنه صراحة على "هدية" وفق
التقليد الذي ابتدعه الكوميديا الرومانية، وقد أعاد بنائه "مهران"،
ليصبح قرينة "انحطاط" وليس مجرد عقبة في مسار العشاق الشباب
تتأسس على مفارقة المعرفة. فعنده يغري "هدية" بثروته ويتزوجها
من دون ابنه، الذي يبدو عاجزا عن تحقيق مشروعه

FARES_MASRY
www.ibtesama.com
منتديات مجلة الإبتسامة

معها، ويحاول- من ناحية ثانية- أن يخدع نفسه بفحولته، وإن يكن بسلفة حياة استثنائية، نتيجة ما توفره "هدية" من أقراص القدرة الجنسية، وأطعمة تجلبها من أبيها.

ولكن ظهور الأم "انشراح" ومواجهتها "عبد" كمشهد حتمي، يؤدي إلى تبرئتها من ناحية، ويعمق من ناحية ثانية صورة "الأبوية المنحطة"، فهو أبعد ما يكون عن نموذج العجوز المتصابي، الذي يبحث عن المتعة، ويسقط في فخ امرأة لعوب تستنزف ثروته وتلقيه كالنواة عاريا، إنما يستنزف "هدية" وشبابها دون أن يبوح لها بثروته وسرها ولا يتردد عن تطليقها في فجاجة. وما أن يكشف عن عنفه واستعداده للاعتداء على النساء، حتى تتصدي له "تحفة" الطفلة الصغيرة "سليمة الحلواني الكبير وتربية" انشراح" التي تتبعها كظلالها، فتدفعه في صدره وترديه "قتيلا"، على نحو لا يخلو من دلالة رمزية.

د- التكنيك والرؤية ما بعد الحداثية

رغم تركيز "مهران" على الأبوية الراحية في حالة انهيار في "السرقة الكبرى"، والأبوية المنحطة وقد سادت الفضاء الدرامي في "المعجزة"، إلا أن رؤيته للعالم تتجاوز البني الصغيرى في الأسرة إلى البني الكبرى، كاشفة- في الوقت نفسه- عن الأساس

الاقتصادي/الاجتماعي للقيم الأخلاقية، ومن هنا يطور المشاهد الأخيرة في العملين على نحو مفاجئ بطابع فانتازي. ففي السرقة الكبرى يكتشف "حمدي" وقد ضربت عليه العزلة في مأواه الأخيرة بين بقايا حياته في "الصندرة" أن عمره هو الذي "سرق" منه، ولم يقبض بعد نضاله في عالم السياسة وأمانته في التدريس ووفائه لزوجته، إلا على الريح، ويكاد يتهدد بالجنون. وفي لحظة يتداخل في الوعي البالغ بالجنة العقلية، والحقيقة بالوهم، يقرر أن يعود إلى النضال السياسي بقناع "جيفارا"، ويواجه العالم بأدواته المنحطة نفسها، فيفضح زوجته بأنه يعلم ماضيها والأسباب الحقيقية التي دفعها للزواج منها، ويرتب مع "أحمد" أن يزوجه من "عبلة" زواجا "عرفيا. ويسرع إيقاع المواجهة- بأسلوب كرة الثلج في بناء الفارص- بإنتاج فضيحة "الابن" الذي لا يجد أبا يعترف به، وتفصيلات القضية الهزلية لإثبات الأبوة التي تشغل الرأي العام كله في المحاكم التي تشهد الأكاذيب والاتهامات المتبادلة، ويبدو ألا مخرج إلا بالعلم عن طريق اختبار البصمة الوراثية.

وفي "المعجزة" تتولد المفاجأة ذات الطابع الفانتازي، من محاولة إحضار روح "عبده" لتبوح بمكان الثروة الخبيثة، فلا تحضر غير روح "رمسيس" من عالم الفراعنة، فإذا هي شبيهه عبده، لتصغ من ناحية أخرى انتصارات وهمية، وتنفخ في فحولة خابية، وتبدي

رغبتها هذه المرة في "حكاية" ، فتحاول أن تغريها بالعودة معها إلى عوالمها الماضية في "الهرم" ، فتتبدى جهود الأسرة متصاعدة - على طريقة كرة الثلج ثانية- إلى قوي المجتمع الأخرى، لإنقاذ "حكاية" من كهف الماضي الذي انزلت إليه، لتلبي احتياجاتها بالأوهام، وتفقد إنسانيتها معا، فإذا أفلحت الجهود وعادت من القبر لم تكن إلا جثة تعاني "موتا إكلينيكيًا" ، وتنتظر معجزة ترد إليها الحياة.

ولأن العالم الذي تنهار فيه الأبوية الراحية وتتبدى وقد سرق عمرها، وتبددت حياتها عبثًا، هو نفسه العالم الذي تسوده الأبوية المنحطة بأنانيتها وادعاءاتها وقدرتها على تدمير قوي الحاضر على نحو ما تتمثل في جيل الشباب "عبلة/أحمد/ فاتن، مفتاح/حكاية/هدية" ، فإن الاضطراب يسود الواقع الختامي، وتمتزج الحقائق بالأوهام، ويختل نسق القيم، ويتبدى المستقبل أحجية لا يحلها إلا العلم. فإذا كان اختبار البصمة الوراثية الملجأ الأخير في السرقة الكبرى، فإن الكمبيوتر المخرج الأخير في "المعجزة" الذي توصي به "تحفة" التي تبدو وكأنها تجسيد رمزي للأصالة الاجتماعية بانتمائها للحلواني وتربيتها على يد "انشراف" ، إذا ترى أن "عبده" لا بد وأنه أودع سر ثروته في الكمبيوتر الخاص به، وأن كلمة السر للدخول إلى عالمه كامنة في "ابنه" مفتاح "وأخته" حكاية" .

على أن بناء "السرقة الكبرى" يتزايد تعقيدا وتركيبا، ويكشف عن نهج فني ما بعد حدائي يعترف ابتداء بإمكانية المزج والتداخل بين الأساليب، فتعد "الثيمات" المتقاطعة والمتداخلة معا، استدعي تكنيك السينما، ليدمج عالم "أحمد" في النسيج الفني، كما استدعي تكنيك "الراوي" بوصفه شاهدا على العصر يمكنه الدخول إلى أي مكان، واتخاذ أي جلسة يشاء، والحوار في لحظة مع أي من الشخصيات، واستدعي الوعي بلغات خشبة المسرح ومنها الإضاءة وتشكيل الفراغ، على نحو يضمن سهولة الانتقال بين عدة مستويات وبؤر درامية.

FARES_MASRY
www.ibtesama.com
منتديات مجلة الإبتسامة

السرقفة الكبرى

FARES_MASRY
www.ibtesama.com
منتديات مجلة الإبتسامة

خشبة عبارة عن منصات تربط بينها بشكل عنكبوتي درجات سلم متفاوتة الارتفاعات. منصة تجسد حجرة نوم "عبلة" وفيها سرير ومرآة أمام السرير. يمسك أحمد في منصة أعلى بالموبايل ويتلصص عليها من عل ثم يضرب الرقم.... تبدأ الإضاءة من حجرة نوم "عبلة" في الإفصاح عن نفسها لتكشف عن "عبلة" وهي نائمة.. يرن موبايل "عبلة"، تمد "عبلة" يدها وتضغط على زر الأجابة، ثم تتناول الموبايل وتفتحه. نسمع في المنصة العلوية ونرى "أحمد":

أحمد: هي الساعة كام؟

عبلة: ناموسيتك كحلي

عبلة: أيوة بس قلبي أبيض (تتأب)

أحمد: عاوز أشوفك ضروري

عبلة: إيه معندكش تصوير النهاردة؟

أحمد: عندي كاميرا 3 يعني بكتيره هاخلص عشرة، دا

لما يضربهم الدم، فا بقول نتعشى سوا

عـبـلـة: لأ، هايبقى متأخر، بابي موش هيوافق
أحمد: قوليله إنك في شغل
عـبـلـة: وهاييجي منين الشغل، وبعدين أنا ما بحبش
أكذب خليها يوم ثاني بدري.
أحمد: موش مقتنع.
عـبـلـة: (بعلامة امتعاض على فهمها) ما تزعلش.
أحمد: (بمد في جهلته) موووش زعلالان
طيب see you (تغلق الموبايل) يا بابي...فاكر
لي نفسه ابن العبيطة
أحمد: (في المنصة العلوية وهو ينظر إلى الموبايل) بنت
الكداية ما بتحبش تكذب قال (نضاء منصة ليست
دائرية بل تشبه منط حمام السباحة...يتقدم الراوي
عليه من عمق المسرح..حيث إنها تتوسط المسرح من
الخلف بعلو حوالي 60 سم)
الراوي: ضحكت "عبلة" في أعماقها على بلاهة الرجال
وأوهام الذكاء التي يمضغونها وينتفخون كبالون
لا وزن له، معلق في الهواء، فلا أرض ولا سماء.
ماذا يريد منها هذا الولد الذي يصغرها بعدة
سنوات، فهي على مشارف الثلاثين، بينما لم

يتجاوز أحمد الخامسة والعشرين من سنين عمره
البائس.

عبلة: (وهي على السرير) يعني مانتش عارف عاوز
إيه؟ (نضحك ضحكة مجلجلة وتأخذ وضعا
مغريا على السرير ناظرة إلى جسمها في المرآة)
سيئة السمعة فاتن، صاحبتى، قصدي اللي
كانت صاحبتى ليها منطوق جرى شوية، قصدي
شويتين (وضعها يزداد إغراءا وتنطق بلسان فاتن)
يا بنتي إحنا بنتمتع بيهم زي ما هما بيتمتعوا بينا
ويمكن (تناول المخدة وخنضنها) أكثر شوية،
العالم اتغير (تقبل المخدة) واحنا موش عاوزين
نعترف إنه اتغير (تقذف بالمخدة إلى وجه المرآة)

الراوي: (ما يقوله تنفذه عبلة حرفيا) اعتدلت "عبلة"
من نومتها، ضامة الركبتين إلى صدرها، مكبلة
إياهما بالذراعين في حين وجدت ذقنها مستقرا
لها في فجوة بين الركبتين.

عبلة: عاوز تنام معايا يا أحمد يا عنتر؟!

الراوي: أوبا، الماضي يحجب المستقبل، بهاء ركب على
علي عنتر قصدي على أحمد عنتر.

عـبـلـة: (تنظر لنفسها في المرآة) أنا ما أفرقش خالص عن

أي واحد أو واحدة عايشين في الجغرافيا دهيه.

الـرـاوى: ترى، هل العيب في الجغرافيا أم في التاريخ؟

عـبـلـة: (نعطي ظهرها للمرأة) أنا ما حبتش بهاء، جاهل

وأخنف، والا أمه، عقربة ومكلبشة فيه بسنانها،

فرخة بتبيض ذهب، صاحب محل عصير الكوباية

بعشرة جنيه، هوا بهاء ديك والا فرخة؟ طبعا فرخة

وأنا كنت طمعانة في البيضة الذهب. ما زعلتش

عليه والله، زعلت عل البيضة، بهاء متجوزشي

لحد دلوقتي، طبعا يتجوز إزاي وهو فرخة (إضاءة)

على منصة أخرى نرى أنثريه صغير والأب د. حمدي

والأم الدكتورة زينب).

د. حمدي: هيه عبلة بتعمل إيه؟

الأم: (باقتضاب) قاعدة في أوضتها

د. حمدي: أكيد ماسكة التليفون وهاتك يا رغي

الأم: عيني عليها، لا شغل ولا جواز

الـرـاوى: صمت الأب الدكتور حمدي ثم مد يده بعصبية

إلى عبلة سجائره وأشعل واحدة وأخذ يحدق في

حلقات الدخان وهمس:

د. حمدي: (عبر البلاي باك) أنا ما قصدتش
الأم: أنا ما اتهمتكش بحاجة، ظرفها جه كدة، ربنا
يسهلها.

الراوي: حاول الأب أن يداري وجهه وراء جريدة يومية
كان قد نسيها منذ أكثر من أسبوع ولكنها لا
تزال صالحة للقراءة حيث لم يتغير شئ في البلاد
ولم يطرأ أي جديد، وكان الجليد قد لامس الناس
والأمكنة.

د. حمدي: تفتكري بنتك بنت؟!
الأم: إمال ولد
الراوي: وضع الرجل الجريدة في حجره ونظر إلى امرأته
في عينيها

د. حمدي: إنتي فاهمة قصدي كويس
الأم: واضح إنك بتنسى كلامك، زي كل الكدابين
د. حمدي: فكريني يا طاهرة

الأم: (مقلدة الأب د.حمدي) في أوقات الأزمات وفي
أعقاب الحروب بتحصل ثورة جنسية sexual
revolution خليكي ثورية واقلعي (تلهث
مقلدة الكلاب)

- د. حمدي: (بصيفة تقريرية) يعني عبلة موش بنت
 الأم: ما قلتش كدة، لكن كمان الأزمات ما اختفتش
 والحروب حوالينا في كل حطة.
- د. حمدي: واكفي القدرة على فهمها تطلع البت لأمها
 الأم: (بظهر الراوي).
- الراوي: النهاردة شتوي معتدل، قررت عبلة أن تذهب
 للجيم، ارتدت التريننج سوت وطلبت مفتاح
 السيارة الوحيدة التي تملكها الأسرة (تنزل عبلة
 من المستوى الكائنة فيه إلى المستوى الأدنى حيث
 الأم والأب).
- د. حمدي: أنا في جامعة حلوان، أروح شغلي إزاي؟
 عبلة: اركب الصعب
- د. حمدي: ما تركبيه إنتي
 الأم: إنت عاوزهم يتحرشوا بيها يا حمدي (الراوي
 بظهر من جديد).
- الراوي: قالت الأم جملتها وهي تمضغ إفطارها ثم أخذت
 رشفة من كوب الشاي باللبن ورفعت باليد المقابلة
 الريموت كنترول على قناة الجزيرة فإذا بصوت
 مراسلها في القاهرة ينبري قائلاً:

(شاشة السينما تضاء) هذا وقد بدأت النيابة
تحقيقاتها مع أكثر من مائتي حدث حاولوا هتك
عرض فتاتين في شوارع حي المهندسين إبان
إجازة عيد الأضحى المبارك الشهر الماضي.
سمير علي من أمام مبنى دار القضاء العالي
القاهرة.

د. حمدي: دي مؤامرة، إنتي وبنتك متفقين مع الجزيرة عليا.
الـراوى: وضعت عبلة نفسها في سيارة الأسرة ورأت من
خلف المقود ما اعتادت أن تراه في كل مرة من
خلف زجاج السيارة (نرى على شاشة السينما
الأشجار وعمدان الإنارة وهي تتراجع إلى الخلف)
فما هو أمامها يصبح في اللحظة التالية خلفها،
ربما هي المرة الأولى التي تحس فيها المعنى، لذا
داهمها شعور بالخطر مقلق ومحزن، وما زاد
الطين بلة، أن ما حاولت عبلة أن تتجنبه طيلة عدة
أشهر خلت، بدا وكأنه يتربص بها، فما أن وطأت
قدمها الجيم إلا وظهرت سيئة السمعة فاتن.

عبلة: الولاية دي بتجيب الفلوس منين ، دي بتدفعها في
الجيم ده بس أربع خمس تلاف جنيه ..كل شهر

يبقى دخلها كام بنت الصرمة؟ دي مطلقة وعندها
عيلين.

فاتن: اللي يشوفك يقول ولا كأننا كنا مع بعض في
المدرسة.

الراوي: بعد ما أنهت سيئة السمعة فاتن جملتها شدت عبلة
من يدها باتجاه التريد ميل، وهي مشاية مزودة
بجهاز للسرعات، كلما تمت زيادة سرعته، زادت
بالتالي سرعة من يخطو فوقها.

عبلة: (تمشيان على التريد ميل عبر الشاشة السينمائية)
انتي تخوفي

فاتن: عشان مطلقة؟!

عبلة: فلوسك موش معلومة المصدر

فاتن: (وهي تضغط على زر الإيقاف) نفسي اتقطع، تعالي
شيلي عن كتافك، خليههم يفكوا.

الراوي: اادت فاتن عبلة مرة أخرى إلى جهاز ال - Ove
load press

فاتن: حملي ثقيل والرجالة أسياد الموقف (تبدآن في
رفع الأحمال إلى أعلى) بيحكموا الشارع والبيت
والشغل

عبلة: دا احنا بنتكلم سياية أهوه

فاتن: يا عزيزتي الحياة في تفاصيلها التافهة سياسة،
علاقة الراجل بالست هي كمان سياسة للي يبص
كويس.

عبلة: ماتتوهيش الموضوع، وإيه علاقة كلامك اللي
عمالة ترصيه بسؤالى.

فاتن: علاقة كلامي اللي عمالة أرضه بسؤالك، شوفي
يا ستي وما ستك إلا أنا ، الراجل من دول ما
بيحترمش الست، وجزء من عدم احترامه للست
من دوكلها فتح الأبواب الخلفية عشان تسبق كل
زمايلها الرجالة يعني ممكن تبقى كفاءة وكفاءة
نادرة كمان بس ما يضرش لما تدخل من البيبان
الورانية.

عبلة: وقصاد ده قايمة طويلة عريضة من السادة الرجال
بما فيها الجنس.

فاتن: الجنس والحلاوة والبقلاوة وسد الحنك (عبور
صوتي إلى المشهد السينمائي التالي من خلال
أغنية موش أي أي وموش زي زي.. ولكن تضاء منصة
على خشبة المسرح وهناك يافطة تعلن عن: شركة
الأمم للإنتاج الفني)

أحمد:

احنا ليه بقينا في قاع الدنيا؟ يا ترى العيب في التاريخ والا في الجغرافيا، واقعين في فخ ما بين الأزمان، لا احنا ورا ولا قدام، يا عم عنتر دماغك ما انت أمورك ماشية زي السكينة في الزبدة وسنة والا سنتين وتقرب على وش الدنيا، ليه بقى خلك ضيق وموش طابق حد، يمكن متووتر جنسيا وعاوز تتجوز، اتجوز؟ اتجوز مين؟ كلهم نسوان قطاعه واللي موش قطاعه موش عاوزاك لحالك عاوزة البرواز بتاع الصورة تدخل متشعلقة في دراعك وتسرق الإضاءة، بس لو ما كنتش حساس لو اعمل زي إخواني، جلدي لازم يموت، ينقتل ينحرق بجاز وسخ، بس ابقى زي كل الناس، هانلبس في حياطة أيوة هانلبس في حياطة (في الخلفية يبدأ صوت عربة تجري مسرعة في الملفات ويبدأ أحمد في تمثيل دور السائق ويعلو صوته) الله الفرامل موش شغالة والطريق منحدر، اوعى رجلك منك ليه، بووم، العجلة القدمانية اليمين فرقت (بصرخ) الحادثة وشيكة وشيكة وشيكة، اقرا الحادثة (يدخل مدير شركة الإنتاج)

- المدير:** واضح إنك ابتديت بروفات منك لروحك
- أحمد:** لو عاوز الحق يا أستاذ سعيد أنا لسة ما قريتش الاسكريبت ولا جيت جنبه.
- المدير:** طبعا يا سيدي، مين قدك الشغل نازل عليك زي النظرة.
- أحمد:** هيه فعلا نظرة
- المدير:** النبي عربي يا خويا والا إنت شعرك أصفر وعينك زرقه قوللي لو إنت خواجه، أجيبك برنيطة يا حمادة
- أحمد:** يا عم سعيد خليند...
- المدير:** (مقاطعا) الأستاذ سعيد
- أحمد:** يا عم الأستاذ سعيد خلينا نمضي العقد
- المدير:** إنت طاقة القدر اتفتحتك، حسان إسود بيرمح عل المربع الذهبي بتاع (بصفق) اللي مامتهم داعيلهم ، يا حلو إنت يا أبيض
- أحمد:** هانمضي بس بكام؟
- المدير:** المدير: انتظرت 30,40 سنتي لفوق، بقيت راجل بدورين، محدش يقدر يطولك، دا غير الجنيئة اللي قدام منك، زايها سويمنج بول، بلبط، وعموم

يا ريس (يتوقف) صدرك قدام مني طالع ونازل،
نازل وطالع، مستني الرقم، المفاجأة الكبرى، طبول
إيقاع (نسمع طبول الإيقاع) مليون جنيه، الراجل
الكبير، بتاع الليلة كلها، بيحبك موت، معجب
بأدائك طحن، مراهن عليك العشرة خمستاشر سنة
الجايين، هاتبقى برج، ناطحة سحاب، هتتشاف من
فوق وبس واللي تحت لأه

أحمد: كام تحت الترايبيزة يا عم الأستاذ سعيد؟

المدير: بعد خصم الضرايب وال 2% بتوع النقابة قول
يدخا جيبك 200 ألف مشفين، حلوين (يقبل يده)
نبوس إيدينا وش وضهر، بارك الله فيما رزق،
احنا عينينا مليانة والساقية يا ما لسه هاتجيب ميه،
(يخرج العقد من جيبه) ياللا نمضي وندخل الجنة
سوا (أحمد يوقع على العقد... أقلام على المنصة
وإضاءة شاشة السينما على د. حمدي وهو يركب
الميكروباص)

د. حمدي: (داخل سيارة الميكروباص في المقعد الخلفي) (صوته
عبر البلاي باك) مسكينة عبلة، مفيش أمل في
زوج مناسب، فنانة ودماغ بس يا خسارة قلبها

مكسور، كل ما البنت تبقى كواليفيد وشكلها
كويس وبنت ناس، كل ما تبور. إنهم يريدونها
متغطية من الساس للراس ويا حبذا لو جاهلة،
أيوة لازم تبقى جاهلة، إمال يعوضوا نقصهم في
مين؟ يارب أنت عالم بالحال ما تسيبناش نضيع
بحق حبيبك النبي، إيه اللي إنت بتقوله ده؟ إنت
كادر ماركسي قديم، والأشياء لأسبابها المادية
حطها على الأرض وشوف العلاقات اللي بتحكم
الظاهرة، لازم يبقى عند عيلة شقتها، ساعتها
العرسالن هايبقوا طابور، أيوة بس الشقة المتوسطة
النهاردة وصل تمنها قرب المليون، يا نهار إسود
الشقة بقى تمنها مليون جنيه؟ طب المليون يجوم
إزاي؟ باقولك إيه، إنت موش أحسن من حد،
كتب ومذكرات ودروس خصوصية وهيه سنة
واحدة وتبقى ضمننت الشقة (يعلو صوته وسط
الميكروباص) طب ومجانية التعليم؟! مجانية إيه
وبتاع إيه، محدش يقول الكلام ده النهاردة، أيوة
بجد بجد راح أوانه ووقته (بتلفت حوالبه فيجد
أن راكبي الميكروباص بحدقون فيه) السادات ربنا

ببشيش الطوبة اللي تحت راسه، لقي إن أساتذة
الجامعة ليهم دور في الحركة الطلابية وبينزلوا
بنفسهم في المظاهرات، لأن الجامعة يا خوانا
كانت في تماس حقيقي مع المجتمع و همومه
ومشاكله، دماغه كانت متكلفة، متهيألي كلكو
عارفين الحكاية دي، راح مجمد رواتب الأساتذة
عشان يتحبسوا حوه جامعاتهم ويتكأكئوا على
نفسهم، خلي بالكم من يتكأكئوا دي، و just
انهم اتكأكئوا، يبتدي كل واحد فيهم يدور على
حلول فردية، اللي ينزل مذكرات ينزل، واللي بيع
كتب يبيع، واللي يدي دروس خصوصية، يعني
من الآخر حطوا إيديهم في جيوب الطلبة وده أدى
إلى فقدان الثقة بين الطلبة والأساتذة، خلاص
الجيل الجديد مبقاش يثق في الأستاذ، وفضل
الحال يتدحرج من سئ إلى أسوأ، ما فضلشي
إلا أنا، أنا القابض على الجمر، موش عارف
أجوز بنتي، السنارة مافيهاش الطعم اللي يزغلل
عين السمكة، البنت هاتضيع مني، ليها مطالب
واحياجات وغريزة، أيوة زينا كلنا ليها غريزة

- راكبة: دا كدة البت تزني
- د. حمدي: (متأففا) خليها علاقات حميمة ، تزني دي ليها وقع موش اللي هوه في الودان.
- راكب: (ملتحى) وعلاقات حميمة يعني إيه يا أستاذ؟
- د. حمدي: يعني....
- الركاب: (جميعهم) هاه
- د. حمدي: يعني.....
- الركاب: (جميعهم) هاه
- د. حمدي: يعني تزني
- الركاب: (المتحى) وهاتسيبها تزني (صوت فرامل السيارة)
- د. حمدي: (مرعوبا) الموضوع بين إيديكم، إنتم أهلها وأهلي (متلفتنا حوالبه) دلوني على سواء السبيل
- السائق: (متلفتنا إلى الخلف) سد عليها المخارج و المداخل، متخليش الدبان الأزرق يعرفها طريق جرة، هارش؟!
- د. حمدي: هارش
- السائق: ايدك بقى على بريزة
- د. حمدي: بريزة!! هيه موش الأجرة اتنين جنيه؟!
- السائق: والوقت المستقطع دوه على حساب مين؟ والا إنت

تحل مشاكلك وتضيع علينا نقلتين ثلاثه، اعطي

الأجير أجره قبل أن يجف عرقه

د. حمدي: والله العظيم، والمصحف الشريف ما في في جيوبي

الاخمسة جنيه، اتنين رايح و اتنين جاي وجنيه تمن

كوباية الشاي لعم فكري في القسم

السائق: قسم إيه؟

د. حمدي: القسم بتاعي في الكلية

السائق: كلية إيه؟

د. حمدي: كلية التجارة

السائق: والتجارة شطارة يا دكتور، هات الحته بخمسة،

ماجراش

د. حمدي: وارجع إزاي؟

السائق: ابقى إعمل جمعية واقبضها الأول. (إضاءة على

خشبة المسرح حيث زينب معزولة إضائياً)

د. زينب: غرفة تخص المرء وحده، أمنية ممكن تتحقق في

زمن الأحلام، نفسي ما انامشي جنبه، ما أشمش

ريحته، مثلت كثير وخذعت كل الناس حتى نفسي،

أبوة ضحكت على روحي عشان أقدر أستمر،

موش كل الاستمرار نجاح، في الأعم الأغلب زي ما

بيقولوا في نشرات الأخبار، مفيش حل ثاني، بس
 خلاص أنا موش قادرة، بحس روعي بتتخفق، أنا
 استمريت بفعل تأنيب الضمير، لأ، موش عاوزه
 خالص أفتح الباب دوه، كنت حطيت قدامه ترايبس
 الدنيا ورميته ورا ضهري، إيه بس اللي فتحه
 (يظهر مر ضوئي موصول بالدائرة الضوئية الني
 تعزل زينب، يظهر أستاذها ماشيا على هذا المهر
 الضوئي.... زينب تخلع الباروكة البيضاء وتصبح
 شابة)

- د. زينب: دكتور، البعثة دي من حقي
 الأستاذ: من حقك ما قولناش حاجة، تعرفي ان مراتي ميتة.
 د. زينب: أنا سمعت إن حضرتك مرشح حد ثاني
 الأستاذ: ما تخليش حد يهزك ويلعب بأعصابك، إنتي شاطرة
 وذكية ودءوبة، ومليون واحد يتمناكي.
 د. زينب: يا دكتور أنا الأولى على دفعتي وامتياز في مواد
 التخصص الدقيق.
 الأستاذ: انتي هاتشرحيلي انتي مين، أنا عارف كل تفاصيلك
 وكمان تقاطيعك
 د. زينب: يعني أطمئن؟

- الأستاذ:** حد بلغك بحاجة رسمي والا حتى عرفي؟
- د. زينب:** عرفي؟! عرفي؟
- الأستاذ:** أهو حل وقتي عشان انتي أكيد ملمة بوضعي، ولادي كبار والذي منه يعني
- د. زينب:** حضرتك عاوز تتجوزني عرفي؟
- الأستاذ:** ما هو إنتي لازم تاخدي بعثتك والحق يرجع لصحابه (يخطو الأستاذ إلى داخل الدائرة الضوئية التي تعزل زينب.. ويختفي المهر الضوئي شيئاً فشيئاً إلى داخل الدائرة) (تضاء شاشة السينما ويبدو الدكتور حمدي في محاضرة أمام الطلاب وهو يشعل سيجارة بعد سيجارة أثناء المحاضرة)
- د. حمدي:** في يونيه 2007 وفي اجتماع قمة دول الاتحاد الأوروبي، رئيس فرنسا نيكولا ساركوزي قال أن كلمة الحماية لم تعد محظورة، يعني مفيش حرية تجارة ولا دياولو، لا الدول الغربية بتؤمن بحرية التجارة ولا يحزنون، الغرب يا ولاد شغال في تطبيق الإجراءات الحمائية. بلاش دي خدوا الثانية، في 13 يوني 2007 قدم أربعة أعضاء، في مجلس الشيوخ في الولايات المتحدة هم «اكس باكوس

وتشارلسي جراسلي وتشارلز شومر ولندساي
جراهام مشروع قانون جديد للتجارة يطلب في
وزارة الخزانة الأمريكية تحديد العملات غير
المتوافقة (يستدير ليكتب بالإنجليزية على السبورة)
Misaligned currencies معايير صندوق
النكد الدولي، والقانون دوه هايسمح للشركات
الأمريكية بطلب رسوم لمكافحة الإغراق على السلع
الصينية على اعتبار أن قيمة اليوان وهو العملة
الصينية مشوهة وغير مستقرة، وده معناه تطبيق
نوع من الحماية وطبقا لما ورد في تقرير الأمم
المتحدة للتجارة والتنمية فالحماية التي يفرضها
الاتحاد الأوروبي تحرم الدول النامية سنويا من
حوالي 700 مليار دولار من دخل الصادرات وهو
ما يعادل 14 مرة حجم المعونة الأجنبية التي بتلقاها
الدول الفقيرة بمعنى ان الحماية التي يفرضها
الاتحاد الأوروبي بتسبب الجوع والمرض من غير
أي مبرر (نختفي الشاشة السينمائية ونضأ
خشبة المسرح على منصة تشكل مكنبا لعميد
كلية التجارة.. نسمع في البلاي باك أصوات أقدام
ثقيلة وصوت من الخارج:)

ص: (من الخارج) العميد موجود؟

ص: (أيضا من الخارج) أقوله مين سعادتك؟

ص: (الأول) أنا سألتك العميد موجود، تجاوبني أه ولا

لأ ومعلوماتي بتقول انه موجود جوة (نسمع صوت

فتح الباب ويظهر العميد شوقي صاعدا المنصة أو

هابطا وينتفض الدكتور صبحي عميد الكلية)

العميد: أهلا شوقي بيه، إيه الغيبة الطويلة دي

شوقي: ما بنمش يا سعادة الدكتور العميد، كل

يوم مظاهرة في حته واعتصام في حته، خلاص

بقت موضنة، اللي موش عارف ينام مع مراته بيقوم

يتظاهر الصبح

العميد: خلاص دعموا الفياجرا واصرفوها على بطاقة

التموين

شوقي: أيوة عشان المواليديزيدوا والمظاهرات تكثر ونشيل

أحنا الهم

العميد: ربنا يكون في العون... تشرب إيه؟

شوقي: موش عاوز آخذ من وقتك، أنا جاياك عالسريع في

موضوع يخص الدكتور زفت حسني

العميد: حمدي مصطفى والاحمدي أحمدين، أي

شوقى: الزفت الشيعوي القديم رد السجون والمعتقلات
العهد: دا كان زمان، دلوقتي في حاله وكافي خيره شره
ويادوب يادوب يخلص محاضراته وعل البيت
دوغري (هامسا ومادا جذعه إلى الأمام بأجاه
شوقى) بيقلوا مراته شرسة جدا، وممكن تعتدي
عليه بالضرب

شوقى: (يخرج ورقة من جيب سترته) شوف يا سيدي بيقل
إيه في آخر محاضرة ليه، دا بنص كلامه، اسمعني
كويس واحد في الميه من سكان ...

العهد: لازم واحد في الميه موش في الميه يا شوقى بيه
شوقى: هوا انتوكدة يادكاترة، تيجوا في الهايفة وتتصدروا
واحد في الميه يا سيدي استريحت، ماتقاطعنيش
تاني والا وعزة جلال الله

العهد: والنبي ما تحلف عليا، دا أنا باتبارك بيك، ماليش
بركة إلا أنت والخير دايم في رجلك وجمالك على
راسي وحوالين رقتي.

شوقى: واحد في الميه من سكان الولايات المتحدة مسيطر
على أكثر من 40% من الدخل القومي، وأمريكا
عممت النسبة دي على دول زي مصر، يعني بيألب

الناس على بعضها وبيزود الاحتكان، ليه الناس

تبص لبعضها طيب والا أنا غلطان

العـــميد: عداك العيب يا شوقي بيه

شـــوقي: العيال في السن ديه بتسخن بسرعة، وابور جاز

مولع تحت منيهم واحنا موش ناقصين، سدي لي

الفتحة دي وحياة أبوك والا والنعمة (بيدوانه يبحث

عن شئ ما)

العـــميد: حافتك بالنبي ما تحلف

شـــوقي: معندكش حاجة يتحلف عليها، مكتب طويل عريض

ماعلهوش حاجة يتحلف عليها، ما تجيب أي حاجة

يتحلف عليها

العـــميد: تؤمر بيايه يا شوقي بيه

شـــوقي: حنتين جاتوه، بس علشان لو حلفنا الحلفان ما

يوقعش عل الأرض

العـــميد: (يرفع سماعة التليفون) يا سامية حنتين جاتوه

بسرعة علشان الحلفان ما يوقعش عل الأرض

شـــوقي: (مستهما) تخيل عاوز يبوظ علاقتنا بالسعودية

العـــميد: حنة واحدة؟

شـــوقي: احنا قلنا حنتين والا هانحمرق

العَمِيد: (برفع سماعه التليفون) حنتين يا سامية وبلاش
استقطاع

شُوقِي: بسلامته قال إيه عاوز مصر تخيل مصر، تمد على
حسابها أصل احنا قاعدين على بنك، خطوط سكة
حديد من غرب أفريقيا المسلم، أصل هناك مسلمين
بالزوفة، أه أنا أقول اللي ليا واللي عليا، لحد أسوان
فتبقى مركز تجاري قد الدنيا يقلب الحجاج قبل
ما تاخذهم العبارات لجدة، يعني قاطع طريق ابن
الحرامية، بقى بالذمة ده موش يطبك عليه حد
الحرابة

العَمِيد: (مقلدا شوقي) طب والله مشروع كومي (يقصد
قومي)

شُوقِي: كومي يكومك في مطرحك يا سعادة العميد، هوا
انت معانا والا علينا؟

العَمِيد: معاكو طبعا، بس بالمعكول (المعقول)

شُوقِي: أفتحك دماغني 2 سنتيمتر طول في 2 سنتيمتر
عرض يمكن أفهمك

العَمِيد: لو مسكتاه من اللي حضرتك قولته من شوية نفتح
علينا طاقات جهنم وأبواب ما تتسدش، معارضة

وحقوق إنسان وحرية البحث العلمي واستقلال
الجامعات والذي منه

شوقي: نعمل إيه خلصني

العهد: زي ما سعادتك قلت من شوية، نيجي في الهايفة
ونتصدر

شوقي: نتهمه بالتحرش

العهد: محدش ها يصدقنا، دا خلصان

شوقي: ما هو أنا موش هاسيبه ابن الصرمة دوه

العهد: شوقي بيه، احنا في مكتبي، ودا عضو هيئة تدريس

وله وضعه الاعتباري في المجتمع، اسم كبير يعني،
ما قولناش حاجة، يتشد، لكن بالهداوة.

شوقي: خلاص، اسيبك الحكاية من طقطع لسلامو عليكو

العهد: انا ها كيفها لك بحيث نخليه يفر فر وما نموتوش

شوقي: فسر، عشان بيقولوا علينا مخنا تخين

العهد: الدكتور حمدي مدخن شره، السيجارة دايمًا

مدلده من بقه حتى جوة المحاضرة، وذي مخالفة
جسيمة والطلبة بتشتكي

شوقي: جاتك شكاوي

العهد: ما تخليك معايا أمال، شكاوي اذرا اسيبة يا شوقي

بيه، بس ممكن تبقى حقيقية.

شوقي: زي الحرب الاستباقية كده

العهد: حرب إيه واستباقية إيه بس، ما تصبر وهاأوصلك

شوقي: (بنفاد صبر) اتفضل

العهد: وهوه جوة المحاضرة، رمى سيجارة من دول على

سلة مهملات، فولعت السلة باللي فيها، إيه السبب

مين المتسبب، سين وجيم، يتحول الدكتور حمدي

للتحقيق ويتشد على مجلس تأديب الأساتذة وهو

شايل تهمتين، مخالفة مراسيم حكومية بعدم

التدخين جوه الإدارات الحكومية والإهمال الجسيم

الذي كاد أن يسفر عن كارثة ويهدد أمن وسلامة

الطلاب، وواد صحفي بتعريفة يبتديها في جرنان

من جرانيل التابلويد، مانشيت عن الحريقة والتهم

اللي بتلاحق الدكتور حمدي وحوارات مع الطلبة

اللي نجوا من المحرقة، يكسكس حمدي لورا،

ويقعد في بيتهم، إيده على خده، مكسور الجناح،

ويستريح ويريح

شوقي: يا عم تعالوا امسكوا انتو أمن الدولة

العهد: بالذمة، عجبك؟! (تضاء منصة تمثّل ليفنج رووم في

منزل د. حمدي.. يدخل حمدي وعبلة.. ويلاحظ أن

الراوي موجود في كل المشهد يكتب ويدون أحيان بدون
ولا كلمة واحدة) يظهر في أماكن غريبة ويجلس على
أسطح أغرب)

د. زينب: (وهي ترسم) يعني رجعتوا مع بعض!
د. حمدي: أنا اتبهدلت في الميكروباص ، آخر بهدلة (بتجه
للثلاجة ويفتح زجاجة بيرو ويفرد الجريدة) حضريلنا
الغدا

عبدل: مالك يا ماما ، وشك عليه زعايب أمشير
د. زينب: مخنوقة
عبدل: فيه حاجة حصلت؟
د. زينب: لأ فيه حاجات ما حصلتش وما بتحصلش وموش
هاتحصل

د. حمدي: حضريلنا الغدا
د. زينب: زي ما أكون وقعت في بير ما لوش آخر
عبدل: عادي ، الناس كلها ماليها نفس الشعور
د. حمدي: القزازة موش مستحيلة نقطة زيادة
د. زينب: يارب تنفجر وتخلصنا
عبدل: المهم ما تنفجرش في وشنا
د. حمدي: ما تحضريلنا الغدا ، بدل الخيلة الكدابة دي

د. زِينَب: استغفر الله العظيم، على رأي المثل ما اعرفش ايه

يتئمز تتئمز ويسأل باب الخمارة منين

د. حَمْدِي: يعني مفيش غدا

د. زِينَب: اطبخي يا جارية كلف يا سيدي، بدل السم الهاري

اللي بتطفحه

عَبَلَة: ماما، ما يصحش كده

د. زِينَب: يصح والا ما يصحش، البيه اللي مضيع فلوسه

على السجاير والبيرة ظبطه من كام يوم بيتسحب

على وش الفجر وهو بيفتح التلاجة وبياكل من

الجبنة بتاعتي

د. حَمْدِي: كات جبنتي خلصت وكت ميت م الجوع، وعموما

هاشتريلك ربيع بدل اللي كلته بس حضريلنا الغدا

د. زِينَب: أهوه كلام، لا بتشتري ولا بتهب، إنا أسفأناكم

عَبَلَة: انتو بتقولوا إيه؟ أنا موش مصدقة وداني، موش

هاقدر استحمل، هايجيلي انهيار عصبي

د. زِينَب: ما انتي حابسة نفسك في أوضتك وموش دريانة

بحاجة، أنا اللي شايلة البيت دوه والأستاذ الدكتور

الجهبز حاطط إيديه ورجليه في مية ساقعه.

د. حَمْدِي: اعملها إيه يا عبلة، ما هو أنا ما باسرقشي ولا

أعرف. ظروفي كده، وضعي كده

د. زينب: أيوة ياخويا حجة البليد مسح التختة
 عبلة: كفاية، موش عاوزة اسمع ولا كلمة، سيبتو إيه
 للحوش، حاجة تقرف (تمضي خارجة)
 د. زينب: (تمضي وراء ابنتها) استني بس ، كلي لك لقمة
 عبلة: (صوت من الخارج) موش عاوزة اطفح
 د. حمدي: (للراوي) تخيل، نسيت كل حاجة عملتها، لما
 اتجوزنا ما لقيتهاش بنت، ماسألتهاش مين،
 احترمت تاريخها، كنت مقتنع تماما ان التاريخ
 ملك لصاحبه وان موش من حق أي حد يفتش
 فيه، عمرها ما حبيتني، هتسألني إمال اتجوزتك
 ليه؟ هاأجاوبك عشان كان لازم تتجوز وأنا كنت
 مبعوث زيتها، والمستقبل مفتوح قدامنا، محدش
 كان يقدر يخمن ولا يتصور انه هايحود ناحية
 المغنواتية ولا عيبة الكورة، والعلماء قاعدين في بير
 سلم مضلم وبارد وحوالين منهم فيران بتقرقض
 في صوابع رجليهم وعمالين ينزفوا وباصين في
 الفراغ والصرخة مكتومة وموش قادرة تطلع
 رغم الألم، انت شاهد على العصر، اكتب حكايتي،
 حكايتنا، دا المبرر الوحيد لوجودك بينا (يخرجان
 من المسرح ذراعاً في ذراع)

(عبلة على خشبة المسرح تؤدي مجموعة حركات راقصة على موسيقى غريبة.... نسمع صوت الموبايل في البلاي باك.... تستمر عبلة في الرقص ولكن نلاحظ نشنت حركتها.... تتوقف، تذهب إلى جهاز التسجيل لتوقفه.... تلتقط الموبايل لترى من الطالب.. تلقي بالموبايل وتدير جهاز التسجيل وتستمر في حركتها الراقصة لكنها تبدو هذه المرة بعيدة تماما عن التركيز، تذهب مرة أخرى وتوقف جهاز التسجيل وتلتقط الموبايل وتضرب الرقم)

عبلة: الو... عاوز إيه مني (يبدأ أحمد في النزول من المنصة الخاصة به)

أحمد: لحد دلوقتى موش عاوز حاجة الا اني اقعد معاكي انشالله ما نكلمش ولا كلمة، كفاية انك قاعدة قدامي

عبلة: يا بني دا انا اكبر منك بأربع خمس سنين

أحمد: ليه بندور دايمًا على تفسير

عبلة: عشان نعرف هانروح فين و نيجي منين

أحمد: من غير ما تستدعيه، هاتلاقيه طلع لوحده

عبلة: هوا إيه ده اللي طلع لوحده؟

أحمد: (بالنبر على الأحرف) التفسير اللي انتي طلباه، وأكد

جوايا بس موش قادر لسه أمسكه (صهت)

عـبـلـة: موش قادر لسه تمسكه... أهلا وسهلا
أحمد: والله وما عندي كلام أقوله، عاوز أقعد أبصلك وبس
عـبـلـة: أه، فنان بقى ولا طش هوا وموش هامك الانفسك
أحمد: حاسس اني هاجيب منك طفل، دا يريحك (يقول
أحمد جهلته ويتجه إلى طاولة على أحد أجناب
المسرح كيفما يرى المخرج، الطاولة بها ثلاثة كراسي.
يجلس أحمد معطبا ظهره للطاولة في حين تدخل
الأم زينب وعبلة في مواجهة احدهما الأخرى)
د. زينب: عاوز غيه منك؟
عـبـلـة: واد ضايع وبيهيس (تقوم الأم وتتحرك حركة دائرية
لتصل إلى كرسي أحمد وجلس عليه معطية ظهرها
لأحمد وعبلة، يكون أحمد في نفس الوقت قد تحرك
وجلس على كرسي الأم في مواجهة عبلة) مفايش
حاجة ملفتة، وانت كل البنات بتحبك
أحمد: مفكيش حاجة ملفتة... انتي بتهرجي. أنا أول ما
شفتك وانتي بترقصي وقعت في أسرك. انتي فنانة
قوي ومحترمة قوي
عـبـلـة: عشان كده ما بشتغلش
أحمد: كل اللي طمعانين فيكي موش هايشغلوكي تاني...

ودا اللي بياكد انك محترمة (يقوم من كرسيه ويلف
في حركة دائرية ليصل إبي كرسي الأم ويجلس عليه
معطيا ظهره للأم وعبلة في نفس الوقت تكون الأم
قد تحركت لتجلس على كرسيه)

د. زينب: محترمة (بصيغة استنكارية) وهايخف منك إزاي
بقي انشالله

عبله: ماما...

د. زينب: جاكى مو في جنبك منك ليه، روجي يا شيخة بلا
لعب عيال

عبله: طب والله أول ما قاللي اخلف منك كان نفسي أخده
في حضني و أملس على شعره

د. زينب: لأ وترضعيه كمان وأهو كله بثوابه (يقوم الأم وتجلس
مكان أحمد معطية ظهرها للآثنين ويجلس أحمد
مكانها في مواجهة عبلة...تصبح اللغة تقريرية
وسريعة)

أحمد: ما بلاقيش نفسي الا معاكى، العالم اللي حواليا،
أرقام مفيش وشوش، مفيش ملامح، مفيش دم

عبله: لازم نهادا شوية، علاقتنا بتطور أسرع من اللازم
ودا مقلق ليا

أحمد: أحيانا الاستسلام مفيد، سيبني نفسك للتيار وهو
اللي هايرميكي على شط، ممكن تخسري حاجات
كثير، بس الأهم ما تخسريش التجربة (يقوم أحمد
ويجلس مكان الأم معطيا ظهره للثنتين معا، تقف
الأم في مكانه في مواجهة عبلة)

د. زينب: (واقفة) ربنا ما يعرضك لتجربة... تفي من بقك
(في البلاي باك) في أية في الإنجيل بالمعنى دوه
(ينتهي البلاي باك) ما تخليهوش يميل ودانك، دا
مشخصاتي بيعيشك جوه أدواره (تنزل عبلة إلى
وسط المسرح هناك موسيقى راقصة والراوي بمد
إليها يديه)

عبلة: (وهي تراقص الراوي) موش عارفة ليه كلامه مسني،
صحي جسمي، حاسة اني في دوامة عمالة تشدني
لتحت عاوزاه وخايفة موت (ينفصل عنها الراوي
ويمشي على حافة دائرة الضوء حول عبلة التي
أصبحت تراقص وتختزن نفسها)

الراوي: الناس كلها واقفة على الحافة، نفسها وما تقدرش
ولو فرض أنه جه واحد وحقق اللي في نفسه،
لازم يطفى النور ويعيش في الضلمة شايل الذنب

على كتفه وجوة قلبه، ولما الدنيا تنور يستغفر ربه
ويفضل يستغفر لحد ما الضلّمة تلفه من جديد،
يعني باختصار الواحد من دول يفضل يولع ويطفى
لحد ما يتحرق في الدنيا

عبارة:

(التي يكون الراوي قد وقف خلفها.. تحتضن كائنا
افتراضيا وتفك أزرار كائن افتراضي وفهيمص افتراضي
وهكذا) جدتي أم أبويا كانت ست ريفية بسيطة
وكانت بتغنيلي وأنا صغيرة... تنزل لتنام في دائرة
الضوء على ظهرها (يوم الخميس هاجيبك عريس
بخندقك وبفندقك ويوم الجمعة يطلقك بارب يبجي
يوم الخميس) (تضاء شاشة السينما على بيت
منكس في حارة في العشوائيات، تنتشر اكوام الزبالة،
بينها وفوقها القطط والفيران، تنتقل الكاميرا إلى
مئذنة عالية فوقها وتحتها عشرات الميكروفونات،
تركز الكاميرا على الميكروفونات وتبتعد عنها في
لقطة لوج شوت، الصمت يسود المشهد، وفجأة
ودون سابق إنذار صوت الميكروفونات يدوي عبر شاشة
السينما) الصلاة خير من النوم (على خشبة
المسرح ينهض حسن من سريره الذي هو عبارة عن

صندوق قمامة حديدي... يلاحظ أن حسن هو أحمد
عنتر)

حسن: (وهو يتأهب) والنضافة من الإيمان يا شيخ عبد
الفضيل، سورتني (وهو ينزل من صندوق القمامة)
طب واحدة واحدة، سنة سنة، والا انت قاصد؟ باينك
كدهو قاصد ، حاكم الخضايض تبوظ أجدعها
زنهار وتسيب أشدها ركبة (يمضي حسن إلى ركن
بالغ الضيق والسواد ويفتح الصنبور فلا ينزل ماء،
يخبط بيده على الصنبور) انزلي بقى الله يخليكي،
خلي عندك دم وانزلي (يخبط بيده مرة أخرى على
الصنبور) موش عاوزة تنزلي طب استلقي وعدك
(يخلع القبقاب ويهم بضرب الصنبور)

ص: الميكروفون: (عبر الشاشة السينمائية) هيه مين دي اللي تنزل
يابو علي يا كناس البرك، هيه مين دي اللي عندك،
قروقول بدل ما أفتح عليك وعليها نار جهنم يا وسخ
حسن: (ينجه إلى الشاشة ويحدثها) موش عاوزة تنزل يا
شيخ عبد الفضيل باقولك

ص: الميكروفون: وهيه ايه اللي وداها عندك من أساسه

حسن: ما انت عارف وكل الناس عارفة، انها ما بتجيش الا

في انصاص الليالي (بترافص أمام الشاشة ويخرج
لسانه)

ص: الميكروفون:
شاهدين يا أهل الحقة، صحيح اللي اختشوا ماتوا،
لكن لأ، ما بقاش الشيخ عبد الفضيل اللي الدنيا
كلها شاهده على جدعنته وحنيته وكاريزمته وكرمه
وأريحيته وطهارة ايده وقوة شخصيته ونضافة
جنته وعفة لسانه وقوة نظر 6 على 6 ما شاء الله
ولا حول ولا قوة الا بالله، لو ما طهرتش الحقة من
الأنجاس ولاد الانجاس أمثالك

حسن:
حلمك عليا يا شيخ عبد الفضيل، أنا الوقت سرقني
والنوم سلطان، قمت اتحايل عليها، ما هي موش
عاوزه تنزل، دا انا حتى خلاص كنت بالقبقاب وفين
يوجعك

ص: الميكروفون:
حسن:
الحنفية يا شيخ عبد الفضيل، موش راضية تكب
مية ما احنا أصلنا بنقرا في سورة عبس، موال كل
يوم

الـمـخـرج:
ستووب، مالك يا أستاذ أحمد، كافيلي قلبك على
بوزه ومصدر لي القرفانة

- أحمد:** الحقيقة يا أستاذ، الحقيقة (بتردد) موش عارف
- المخرج:** اعصر على الدور لمونة وانت تهضمه
- أحمد:** في الحقيقة أنا كان ليا تحفظ على الاسكريبت
- المخرج:** لأ تحفظين، ثلاث تحفظات أربعة، ما احنا هانقلبها مجلس محلي، انت موش قرريت الدور قبل ما توقع، عموما نمطهولك حبتين، احنا يهمننا رضاك، ادلل شوية كمان (الحاضرون بصفون وتعالى الأصوات)
- ص:** (فني في الاستوديو) في الجوون يا معلمه
- ص:** (فني 2) اديله ما ترحم هوووش
- ص:** (فني 3) ماما زمانها جاية يا كابتن
- الأصوات:** (مجتمعة) خد البزة واسكت خد ونام (بصفق الحاضرون جميعهم)
- أحمد:** (باندفاع) بس احنا كدة يا أستاذ بنزود بأس الناس، بنقولهم موتوا أو انتحروا، مفيش أمل، خرابات وقطط وفيران وتطرف ومراقبة وناس نائمة قائمة في صفائح الزبالة.
- المخرج:** دا شغل مهرجانات انت ما تعرفهوش، وخبرتي اللي حصلتها من قبل ما انت تتولد بتقوللي في وداني (هامسا) لازم نديهم اللي هما عاوزينه هناك

(بصوته العادي) موش اللي جنابك عاوزه هنا،
واوعى، شوف اوعى دماغك تصور لك اننا بنكذب،
احنا ما بنكذبش... ليه؟ لان هما هناك.... في بلاد
بره ما بيحبوش الكدابين

المجموعة:	يا كداب
أحمد:	كل قصدي شوية أمل نديهم للناس
المخرج:	احنا مخرجين
المجموعة:	مخرجين
المخرج:	وقارين
المجموعة:	قارين
المخرج:	قد اللي انت قريته
المجموعة:	عشرين
المخرج:	يعني ما تنتططش
المجموعة:	ططش
المخرج:	ليه؟
المجموعة:	اديله في جنابه
المخرج:	عشان يا ابننا السفينة اللي بتغرق عند عمنا وعمك بريخت في اوبرا التلات بنسات اسمها التفاؤل
أحمد:	مصر دي كيان كبير يا خوانا، فيها حاجات

بتحصل تحت الأرض وفوق الأرض، تبان نايمة
وهابطة وفجأة تهز الدنيا المجموعة (بما فيها المخرج)
انت باينك شخصية خنيقة، لسمع منا وصر، الممثل
بالنسبة لنا قزازة....فاضية....نملاها باللون
والكمية اللي في نيتنا وضميرنا مولفين على بعض،
يعني بصراحة عاشق ومعشوق وكلام في سرك
جايبين عيال بس ما تقولش لحد، ومن الآخر
وعشان تقصر وما نقصرش موش لازمنا مفكرين
ولا هتيفه من بتوع مصر هيه أمي نيلها جوه دمي
(الإضاءة تختفي من على منطقة إلى أخرى تدريجيا
في الفقرة السابقة)

أحمد: (في البلاي باك) شكلها في سماري...حتى لوني
قمحي، لون نيلك يا مصر (يبدأ الراوي على كرسي
الكرين في الشاشة السينمائية)

الراوي: نقاش زي أي نقاش، اختلاف في وجهات النظر
موش مهم مين الصح ومين الغلط، يا خسارة
أحمد كان لسه شايف الدنيا حلوة...لكن حصل
ان المراكب السائرة وقفت واتسدت قدامه..
اقصد أحمد طبعا، أبواب الشغل، أوردت مفيش،

محدثش بقى بيطلبه، اعتبروه مزعج وبيكلكعها
وعنده مركبات نقص وعاوز يقول أنا أهوه في كل
حثة وكل موقف حتى لو كان موقف ميكروباصات،
والناس في بلدنا بيقفوا مع القوي موش بالضرورة
حبا فيه، لكن عشان خايفين منه، خصوصا إذا
كانت أرزاقهم موصولة برزقه. وفي الليلة دي وقبل
ما ينام اتأكد أحمد ان الناس مابقوش يجرموا أي
حاجة فكل شئ مباح ومستباح (ينزل الراوي من
على الكرين ونراه على خشبة المسرح بجوار أحمد)
الناس في بلدي والبلاد اللي جنبها وجنب جنبها ما

أحمد: بيجبوش المختلف

الراوي: عاوز ابقى شبه كل الناس

اوعى حد يشذ عن الصف والا يخرج براه. لازم
كلنا نقف طابور

أحمد: بس كده أنا هابقى مسخ... يا ترى هاييجي اليوم

اللي المراية فيه هاتعكس صورة لوشي مغايرة
لوشي

الراوي: أنا المراية والمراية أنا، والمراية بتهمس في الودان

وتقول: أنا بعكس الظاهر أما الباطن فلا يكشفه
الا الله

أحمد: أخي جاوز الظالمون المدى (وبغادر خشبة المسرح)
الراوي: ما سمعش نصيحة حد، وخذ بعضه وراح للناس
في المسجد، يتطلع في الوجوه ويتفرس الملامح
ويحدق في العيون والناس حوالين منه في
استغراب وبيضربوا كف بكف.

أحمد: (للناس في المسجد) أخي جاوز الظالمون المدى،
كيف وصلنا إلى ما وصلنا إليه، أنتم يا من ترتادون
المساجد وتواظبون على الفرائض وتستشهدون
بالله والرسول منكم من خان الله والرسول، من
سرق وغش ودلس وسرق وشهد زورا (هامسا)
وزنى، اشم رائحتك يا هذا، انت جنب، رائحتك
تفضحك يا أنجس خلق الله

الراوي: صار أحمد يتشمم المصلين فردا فردا (نرى أحمد
يتشمم المصلين على شاشة السينما)

أحمد: اكشفوا عن وجوهكم الحقيقية، قلوبكم قدت من
حجر ولحاكم من نسج دخان

الراوي: وحاول الوصول إلى المنبر (نرى أحمد على الشاشة
وهو يحاول الوصول إلى المنبر الا ان المصلين يقفون
سدا منيعا ويحولون دون ذلك)

أحمد: (وهو تتفاذه أيادي المصلين) كيف آل الوطن إلى ما
آل إليه لو كنتم حقا مؤم

الراوي: صده المصلون ومنعوه وأوسعوه ضربا وأصابوه
في رأسه (نرى كل ذلك على شاشة السبنا)
ومضى كل منهم إلى داره يحكي لذويه عن رجل
أراد أن يمثل دور المراه ودور... إياك والتصريح،
عليك بالتلميح ودعك مما يريب إلى ما لا يريب، (بيدو
وكأنه بفكر) ان يمثل دور المراه ودور ودور، ودور
ماذا، الأفضل والأمن أن نحذفها ولن يلاحظ أحد.
الله كريم... (نسمع نصفيق في البلاي باك) شكرا
شكرا (بنحني) ولكن دعوني أكمل لكم بقية المشهد
إذ قالت امرأة لزوجها حال عودته من المسجد وبد
أن استلقى على قفاه من الضحك لدى سماعه
تعليقها على أحمد (بفقد المرأة) طب هوا عاوز يكشف
على بطنك ليه؟ باين عليه راجل موش مضبوط، حاكم
كثروا أوي الشر بره وبعيد. (يستكمل باللغة
العربية الفصحى) ظلت عينا أحمد معلقتين على قبة
المسجد ودمع العين يختلط بالدم المنساب من فمه
وأسنانه ولكن حدث أن دارت القبة بسرعة متناهية

ودار معها جسد أحمد في صحن المسجد، وكان
ذلك آخر ما تذكره أحمد من أحداث ذلك اليوم (كل
ذلك نراه على شاشة السينما)
(إضاءة على خشبة المسرح... إنتريه... زينب ترسم
لوحة)

د. حمدي: عارف اني ما قدرتش احقق طموحاتكو
د. زينب: لولا لوحاتي كان زماننا موتنا من الجوع
عبلة: حضرتك ما قصرتش وبرضه احنا أحسن من
غيرنا

د. زينب: الفرصة لسه قدامنا، مليون شركة من شركات
القطاع الخاص ممكن تستفيد من خبراتك، انت
اللي مصر تنطح قرنك في الحيط

د. حمدي: (الذي بعزل إضائيا وبأني صوته عبر البلاي باك)
الوليه دي كات طرية زمان، تخلص محاضراتها
وجري على البيت، تاخذ الدش وتستقبلني ومفيش
حاجة تحت الفستان الخفيف اللي جابت منه أشكال
وألوان تلحس المخ وتولع الدماغ، وهيه دقائق بعد
الغدا نقيّل الضهر وندخل الجنة سوا، الا ليت
الشباب يعود يوما (ينتهي البلاي باك، يوجه حمدي
كلامه إلى زينب) راحت فين فساتينك الخفيفة؟

- د. زينب: فساتيني الخفيفة!! (تتوقف عن الرسم)
- د. حمدي: اللي كنتي بتلبسيهالي زمان
- عبلة: صباح الخير يا بابي
- د. حمدي: صباح الخير بالليل، أنا مصر أعرف راحت فين
- الفساتين الفاضحة دي!!
- د. زينب: انت بتخرف وبتقول ايه؟!
- د. حمدي: ووتش يور لانجويدج يا ست انتي، ولا انتي ست
- ولا حاجة
- عبلة: انتوايه، مابتزهقوش من الخناق، سبتوا إيه
- للشراشيع؟!
- د. حمدي: ادخلي انتي اوضتك وحطي دماغك في الطين عشان
- ماتشوفيش ، عندك حق ، هتشوفي زبالة!! عمري
- ضاع عليكوا لكن موش عاجب ، لأ اعجب إزاي
- الهانم أمك عاوزاني حصالة ، أيوة أنا حصالة،
- بس مفيهاش فكة ، يبقى خلاص ، خلصت حاجتي
- من جارتني وانضرب بالنار ، أهو على الاقل اوفر
- وجبة (عبلة تجلس ضامنة ركبتها الي صدرها وتحوط
- بالذراعين الركبتين مخفية وجهها فيما بينهما)
- د. زينب: الله ، أما حته فكرة ، الراجل الحصالة ، لوحه تهبل

تتباع بالشئ الفلاني ، واللي مانخدوش من وشك
ناخده من قفاك

الراوي: طلقها فعلا، ورمى عليها اليمين، لكن المشكلة انه
ماعدوش متوى تاني

د. حمدي: (باستنكار) متوى!! ما لقيتش كلمة غير دي؟! انت
متواطئ معاها ، عاوز تهز كرامتي بانحيازك الأعمى

الراوي: (للجمهور) أنا لا منحاز ولا حاجة

د. حمدي: ولا متواطئ؟

الراوي: لو أنا متواطئ، محدش فيهم ها يصدقني (مشيرا إلى
الجمهور)

د. حمدي: طب بص في عيني، عينك في عيني، شفت أديك
رمشت عينك رمشت يا كداب، منحاز ومتواطئ

الراوي: (الذي يبدأ هو نفسه في تغيير الديكور بما يفيد تغيير

المشهد) المهم ان الدكتور حمدي العالم الاقتصادي

الكبير أخذ حاله ومحتاله ونزل السندرة، كان

إحساسه أنه كم مهمل وان السندرة دي أليق مكان

ليه في حالته الراهنة (يعطي حمدي ظهره للجمهور

أثناء تغيير الراوي للمشهد)

د. حمدي: ملصوني وملصوا جيوبي، سرقوا عمري وصحتي،

وفلوسي دي آخر حاجة، أنا موش مادي، اطلاقا،
ممکن ما البسش، ماکولشي، یاما مرت علیا أيام
كنت افتح فیها بقي وامضغ الهوا واشبع، لكن فکرك
(للراوي) هاسیبهم یاکلوني لحم ویرموني عضم ،
هاهاهاهاي، إنت واهم، أنا ممکن اعلمهم فیها غاندي
وأضرب عن الطعام وأهز البیت حته هزه وملعون أبو
مليون أبوعزة، الولد دوه بتاع الجزائر، أكید سمعت
عنه (هامسا) ما هو أصلي أنا شاكك إن فیة صلة بین
مراتي والجزائر، شبه بعض بالملي، والظاهر ان الجین
نفس الجین، هما یقولوا مليون شهید وهیه ترد مليون
جنيه ، بتوع ایه یا ست؟ (یفقد زینب) البیت اللی
سابهولي الحاج ورث، لو كان عندك شقة یا حمدي
کنا بعناها بمليون جنيه، أه هاتفرس م الجزائر
ومراتي، بس والله ثلاثة ما أنا ساکتها (هامسا) من
وقت للتاني هاشن علیهم غارات تستهدف المطبخ،
إمال أسیب نفسي أموت م الجوع، طب غاندي المعزة
کات شغاله یحلب ویديها

الراوي: (للجمهور) إنزيمات المخ لازم تتظبط، إفرازها زیادة
عن المعدل الطبيعي

د. حمدي: (وهو يجلس على صندوق) العقل المشدود إلى مسار واحد، تعريف من تعريفات الجنون، ما انكرش أني بافكر في حاجة واحدة بس إزاي استرجع حقوقي اللي ضاعت، العالم ظلمني

الـراوي: المسائل كبرت جواه، في الأول مراته وبنته، ودلوقتي العالم كله بلا استثناء

د. حمدي: اسكت انت يا جاهل، مراتي وبنتي يستحقوا عقاب بس لأنه مفيش عندهم لا وعي ولا بصيرة عشان يميزوا مين مصدر تعاستهم الحقيقية، مصدر تعاستهم موش أنا، موش أنا (بخبط بيديه على الصندوق الخشبي) إيه ده، إيه الصندوق ده؟! ياه معقولة يكون هو نفس الصندوق، إزاي نسيته كل السنين دي، رغم إنني شايله في قلبي، محفور في دماغي، عاوز ظرديه، لازم اكسر القفل (يذهب إلى أحد الأدراج) أنا فاكر ان هنا فيه ظرديه، أيوة يا سلام عليك يا حمدون يا بن زكية القرنفلي (يبدأ في كسر القفل) يا ساتر القفل مصري لكن لأ، وراك وراك والزمن طويل، دعواتك يام حمدي يا ست اخواتك يام لسان فرقلة، (طراخ) إمال لو جواك ذهب وفضة

والمأظ، كنت عملت إيه فيا (يفتح الصندوق...ينزل
على ركبته..يدخل رأسه في الصندوق...نسمع عبر
البلاي باك) مساء الخير يا رفيق، أن الأوان، لابد أن
تنهض من رقدتك، نحن المحرومين، اكثر من تأذى
بغياك نحن ضحايا رأس المال، نقبع في خلفية
المسرح كالعبيد ، مخطوفي البصر إلى الأشياء
التافهة (يخرج علم الاتحاد السوفيتي السابق ويبدأ في
التهافت) لا أوباما ولا بن لادن، أصل الرجال معادن
لا هنصالح ولا هنهادن، حيفارا في القلب ساكن
(تضاء شاشة السينما على أحداث ثورة الطلبة في
فرنسا، مايو 68، ويتم إظلام خشبة المسرح وعندما
تضاء مرة أخرى نجد أن حمدي يرتدي ملابس تشي
جيفارا، تستمر شاشة السينما)

الـراوى: (مخاطبا الجمهور) مؤكد إن الدكتور حمدي اتجنن
(دون ان يوجه لحمدي الخطاب) احمد ربنا يا حمدي،
دا لو مراتك وبنتك شافوك وانت على دي الحال،
هايبلفوا مستشفى المجانين عدل وهاتلبس القميص
يا حلو (يقلد حسن البارودي صونيا)

د. حمدي: انت بتحول نفسك لسلطة وبتفكر بنفس منطقها،

اللي ما يعجبكوش في سلوكه وتفكيره يبقى
مجنون، لعبة قديمة ومكشوفة ومتكررة، والا أقولك
أحنا هانحير نفسنا ليه، الاحتياط واجب (يذهب إلى
الصندوق ويخرج حبال وعصابة من تلك التي توضع
على الأعين)

الـراوى:

هوه متخيل انه يقدر يحبس رأيي، وأنا بأعلنها
صريحة مدوية، يا دكتور حمدي انت واهم،
الأساليب دي طغاة أكبر منك جربوها، كانت إيه
النتيجة، ما نفعتش الرأي الحر هوا دايمًا اللي
بينتصر وهاينتصر، استفيدوا بقى من التاريخ
وعبره (يدور الاثنان حول بعضهما متخذين وضع
العراك)

د. حمدي: أنا مظلوم

الـراوى: ودا ما بيررش أساليب غير أخلاقية في إدارة
الصراع

د. حمدي: دي حرب عصابات ضد الفاسدين والمفسدين،

الرأسمالية المتوحشة لازم تتوجع وتقول أه

الـراوى: عاوز تبقى حرامي من ضمن الحرامية

د. حمدي: هأقطعك أسانك وأحكي الحكاية بنفسى

الـراوى: يا مجنون انت موش دريان بتعمل إيه

د. حمدي: ماتتحدانيش

الـراوى: اتحداك ونص (يشتبك ان وينتهي الاشتباك بسيطرة

حمدي على الراوي وتكبله وإجلاسه على الصندوق

معصوب الأعين ثم وضع فوطة صفراء في فمه)

د. حمدي: كده بقى تعيش أنت مع نفسك، وتسيبني أشن

حربي على الدنيا، غارة ورا غارة ورا غارة،

هاضرب العالم بنفس سلاحه، طبعا، إمال إيه هيه

فايدة التعليم يا حمدون يا بن زكية يا عالم

إِظْلَام

FARES_MASRY
www.ibtesama.com
منتديات مجلة الإبتسامة

(تضاء خشبة المسرح وإذا بحمدي يتلصص ويأتي بحركات
الافتحام العسكرية، فظهره للحائط، فهو يرتدي ملابس
العادية من الأمام، وهناك من الخلف قناع جيفارا وملابس
خرب العصابات ولكن إلى الآن لا يلاحظ المتفرج ملابس
الخلفية، وتفاجئه عبلة على حالته هذه)

- عبلة:** طبعا جوعت يا سي بابي وقلت تعمل غارة على
الدرج بتاع مامي في التلاجة
- د. حمدي:** أنا موش بابي (يضع إصبعه على فمه) هش، أنا
هوه (يلف بظهره) أنا هوه أنا هوه
- عبلة:** (تصرخ) ايه ده؟! بابي ما تخوفنيش منك
- د. حمدي:** من هنا ورايح لازم كل الناس يعملولي ألف حساب
- عبلة:** ليه بتتكلم بضحك وجبت اللبس دوه منين؟
- د. حمدي:** دا موش ضهري، دا وش أنا مخبيه
- عبلة:** وخليته لبكرة زي هشام عباس
- د. حمدي:** سخيقة. موش انتي لوحديك، الجيل كله مهوي
- عبلة:** الله يسامحك
- د. حمدي:** يسامحهم، هما السبب، قسمونا نصين، وكل نص
نصين تانيين، يعني أربع تربيع، بس المراه كدابة

عبلة: حضرتك لازم تستريح، انت مجهد وتعبان، محتاج
دكتور يكشف عليك

د. حمدي: جينات استسهال، طالعة لأمك، موش عاوز تشغلي
الكن اللي عطلان جواكي **(بعطبها ظهره ويهز
مؤخرته)** تشي تشي هوه هوه حمدي ابن زكية
القرنفلي **(يلتفت إليها بوجهه)** بس السياق مختلف
(بعطبها ظهره) عوده جيفارا المنتقم **(بعطبها
وجهه)** Eye by an eye **(بعطي حمدي ظهره
لعبلة)** لازم ناخذ حقنا بسناننا، مفيش حد يرسلنا
مركب وبحر، احنا اللي لازم نعوم أو نجدف والشط
بتاعنا هايظهر ساعتها ويبان لوحديه **(يلتفت بوجهه
نادي أمك والوله المشخصاتي، يكونوا عندي هنا
بعد ساعتين موش اكثر (يلف ويصبح بظهره)
انصراف**

إفلام

(العائلة ومعها أحمد يتحلقون حول مائدة)

د. زينب: إيه اللي انت بتقوله ده؟ محدش هاييسبنا والناس

كلها هاتقطع في فروتنا

د. حمدي: وهل يضير الشاه سلخها بعد ذبحها

عبلة: حاسة اني في كابوس

د. زينب: (صارخة) عاوزنا نبقى مجرمين على آخر الزمن

د. حمدي: (يقف ويذهب خلف زينب ويحوطها من الخلف

بذراعيه)

موش فاضل الا اننا ناكل لحم بعض، لو ما عملناش

اللي قتلكو عليه موش هانعيش لحظة سلام واحدة

عبلة (مستسلمة) هايقولوا علينا عيلة منحرفة

د. حمدي: مين هوه ده؟ احنا اعصابنا حديد ومحدش يقدر

يهزنا ولا يغير رأينا في روحنا

عبلة: هانبقى مادة للصحافة والتليفزيون، مقالات وبرامج

وكله يغني ويحلل.. احنا ناسين الجيران هانبص

في وشوشهم ازاي؟!

د. حمدي: كله بيخلص ويترمي في صفايح الزبالة وهيه ديتها

شهر والا اتنين ومحدث هايفتكر / مصر، مصر،
مصر يامابتطن، وماتنسوش ان الرأي العام
العالمي هايبقى معانا ويضغط عليهم هنا هوه لحد ما
يفرقعوا من جنابهم، أنا مخطط لكل حاجة وعامل
حسابي كويس أوي، الخطة مفيهاش هفوة

د. زينب: يعني موش سامعينك حس يا سي الأستاذ
أحمد: أنا؟!

د. زينب: وهوه فيه أستاذ غيرك؟!

أحمد: عن نفسي جربت ما اسمعش كلام المخرج مرة،
وجرالي ما جرالي، أنا تحت أمرك يا دكتور. اخرج
لي حياتي

د. هدى: عظيم، يبقى نراجع الخطة خطوة خطوة... قبل أي
حاجة أحمد يجوز عبلة عرفني

د. زينب: بالذمة انت أب انت؟

د. هدى: هانراجع الخطة باقول، واللي موش عاجبه يقدر
يمشي في سكات بس مايجيش بعد كده يصوت
(مقلدا زينب) عاوز نصيبي

أحمد: الاسكريبت يجنن، عاجبني، متبت فيه بايدي
وسناني

عبلة: طبعا وانت خسران إيه؟ الطوب كله هايتحذف عليا
أنا وعيلتي

أحمد: دا يتهياك، النجوم اللي زيي، الناس مستنيلهم،
معجبين بيهم أه، موش هاقولك لأ، لكن في نفس
الوقت باصينلهم من فوق، وعاوزين يلبسوهم
هما لوحدهم كل انحرافات المجتمع، ودا انتقامهم
من الغنى والشهرة والنجومية. باختصار عشان
ماصدعكوش هابقى أنا ضحية الموضوع من أوله
لآخره وأنا قابل دوري

د. حمدي: مفيش حلاوة من غير نار واللي عاوز الدح

د. زينب: (مستنكرة) حمدي.....

د. حمدي: نرجع مرجوعنا للخطة، أحمد هايجوز عبلة عرفي
(يدخل اثنان من الممثلين إلى خشبة المسرح) كل
واحد فيكو يوقع ويحط تحت توقيع الرقم القومي
ورقم محموله كمان
(الاثنان يوقعان)

مثل 1: ألف مبروك

مثل 2: ربنا يتم بخير (بفردان كفيهما)

د. حمدي: إيه موش عاوزين تاخدوا صورة مع العريس
والعروسة؟! (يخرج الكاميرا ويلتقط صورة)

مهمل 1، 2: (معا) متشكرين (بفردان كفيهما) (بتجه حمدي

لزنب هامسا)

د. حمدي: إيدك على ميتين جنيه

د. زينب: ميتين عفريت يركبوك

د. حمدي: (بنفس درجة الهمس) لمي لسانك، موش قدام الغرب

أحمد: (بخرج النقود من جيبه) خلاص يا عمي.. (للسهود)

متشكرين يا اخوانا

د. حمدي: دايمًا مقصرة رقبتني

د. زينب: وهيه من امتي كانت طويلة

د. حمدي: كل شله يشبهله، حتى الحمار واللي قانيه

أحمد: (بمسك عبلة من يدها) طب عن إذنكو احنا بقى

د. زينب: على فين انشاء الله

أحمد: نروح نتعشى بره، ما هو الناس لازم تشوفنا مع

بعض كثير عشان الخطة تنجح

د. حمدي: كده زاوية الدخول مضبوطة 100%، ياللا ما

تضيعوش وقت (يدفعهما بيديه للخروج)

د. زينب: انت ضامن ياخذها على فين؟!

د. حمدي: ما ياخذها، دي مراته يروح بيها مطرح ما يروح

د. زينب: انت متأكد انها مراته

د. حمدي: مراته ونص واللي يقول غير كده اخزقلك عينيه،
لحنا هانرد القلم عشرين، كل ما اقرا الجرنال
واشوف الفساد والفاستدين اللي بيخرجوا منها
زي الشعرة من العجين احس ان عمري كله ضاع
هدروان كل اللي امنت بيه وكرستله حياتي اتداس
بالرجلين، اضاعوني واي فتى اضاعوا، وانتى
نفسك

د. زينب: خليك في روحك، أنا ما ليش دعوه، أنا مالي؟

د. حمدي: الامالك، ما تيجي نلعب لعبة الصراحة

د. زينب: انت بتخرف بتقول إيه؟

د. حمدي: دي لحظة الحسم يا دكتورة ومناهاش مهرب،
اخذتي بعثتك إزاي؟ موش دا سرک الصغير والا
الكبير.. ما تفرقش (صهت)

د. زينب: كل السنين دي وانت...

د. حمدي: عارف، عارف كسروكي ولما اتكسرتي ماشفتيش،
كله بقى عندك طينة واحدة وريحة واحدة، نمتى
معايا وانتى كارهة. كان جرحك أعمق وأقوى من
كل الحب اللي حبيتتهولك، بس انا مصمم ان
النهاية تبقى سعيدة، مصمم اخذك في حضني

واطبطب عليكي واقولك مالياش حد غيرك (بأخذها
في حضنه وتبكي زينب بصوت مسموع وينزل
صوت حمدي عبر البلاي باك) جرحك على جرحي
هايطرطشوا في وش الدنيا (يدخل الطبيب ومعه
عبله)

الطبيب: مبروك، حامل في اربع تشهر

د. زينب: ولد والا بنت؟

الطبيب: السونار هو اللي هايبين (يضغط على رموت، فنرى
على شاشة السينما الجنين)

د. زينب: شبه أبوه، الخالق الناطق

الطبيب: ومين الأب اسم الله (يظهر أحمد عنتر)

أحمد: الناس دي بتتبلى عليا (تظهر عبلة من وراء الشاشة)

عبلة: عملت العملة وعاوز تنفذ بجلدك (تبكي

باصطناع) اهئ اهئ اهئ، دنيا مفيهاش أمان

حمدي وزينب: (معا) تمام تمام، هوه بلع الورقة

وسلكها بشوية مية

الطبيب: ورقة ايه؟

أحمد: دا موش ابني وما تحاولوش

عبلة: اخص عليك راجل دون اهئ اهئ اهئ

الطبيب: ورقة مين؟

حمدي وزينب: (معا) فيه شهود شاهدين (يدخل
الشاهدان على باتيناج وبلفون المسرح دائريا فالحين
أكفهما)

الشاهدان: والله العظيم نقول الحق، ان كان جوزها
والالا

أحمد: موش ابني باقول، موش ابني

الطبيب: الحكاية بجد اتلعبتك

الشاهدان: العين شافت والايدي مضت

الطبيب: (لأحمد) اصفخص على خلقتك

حمدي وزينب: حاطط قلبه في محفظته وغير القرش ما يهموش

أحمد: نأبكم على فاشوش. من غير تجريح يا عمي، من

غير تجريح يا أنتي

الشاهدان: هاتخش النار يا فندي

عبلة: يارب يتشوي

الطبيب: والاحتي يتقلي

أحمد: موش كل الطير اللي لحمه تاكلوه

زينب وحمدي: الصحافة فين الطبيب أهوه الصحافة فين الشهود

اهم

- أحمد:** دا ابتزاز وّاللي بيته من قزاز (تدخل كاميرات تليفزيون ومصورين صحفبين ومذبة)
- المذبة:** الحكاية ريحتها فاحت
- صحفي:** الجنين سموه أسامة؟!
- صحفي:** سبع ابن سبعة والمعنى في بطن الزير
- صحفي:** خلي بالك من كلامك
- المذبة:** مين حوه الكادر ومين براه، رأيك يا هانم رأيك يا بيه
- صحفي:** شغلانة فيها مرمطة
- عبلة:** يا ناس يا هووه، الضحية تبقى أنا
- صحفي:** خلفه تعر لو بيايدي كنت وأدتها
- زينب وحمدي:** (معا) تلف أملها في الحياة، وقد امكو عامل منكسر
- المذبة:** ايده لازم تتقطع
- عبلة:** مسنود سنده مهيبة
- الصحافيون:** ما يهمناش اتخنها واحد في البلد، احنا سلطة وكلمتنا سيف عل الولد
- أحمد:** انتم سلطة أي نعم، بس سلطة على الورق ها ها ها
- الطبيب:** الـ DNA هايدلنا ويدلكم
- صحفي:** البت موش مضبوطة برضه
- صحفي:** قلبي موش مرتاح تماما

واللي تحسبه موسى يطلع فرعون	صحف:
أبوها فين وأمها	صحف:
عيال عاوزه اللي يلماها	صحف:
مين الظالم والمظلوم؟	الذبيعة:
اهى اهى	عبلة:
والحاكم والمحكوم والرافع والمرفوع والفاعل	الذبيعة:
والمفعول والحامل والمحمول والشاطر والمشطور	
اهى اهى اهى	عبلة:
الـ DNA ها يحلها، يحل وسطكم ربنا	الطبيب:
(بهاتفون) الـ DNA ، DNA ، DNA	الجميع:
سكتكو موش سالكة معايا والقضية بقى ليها	أحمد:
ودان بس يا خسارة مالهاش عينين واللي يسبقني	
يحصلني، اللي يسبقني يحصلني ها ها هاه اللي	
يسبقني يحصلني	
(مغنية) يا ظالم، يا قاسي، بقى عاوز تنساني	عبلة:
وتزود حرمانى (تدخل مجموعة سيدات أوروبيات)	
يا عبلة ما تبقيش هبلة، راح ندفعك بالدولار ونشدك	الأوروبيات:
ودن الحمار (هامسات) احنا بتوع الوومن رايتس	
(نصرخ بالغناء) يا ظالم، يا قاسي، بقى عاوز تنساني	عبلة:

(تنزل على الأرض وتضرب نفسها بالشبشب) وتزود

حرمانى، طب انسى وأنا ها انسى

الأوروبيات: موش هانسيك الالمانركبك...على ضهره وتدلالي

رجلك وأي رجل في حتتك

عبلة: (تقلب على الأرض وتستهمر في ضرب نفسها

بالشبشب) يا ظالم يا قاسي، بقى عاوز تنساني

وتزود حرمانى

د. زينب: اسكتي

د. حمدي: ما تنوحيش

زينب وحمدي: (معا) بيننا وبينه الحكمة (يدخل ثلاثة مستشارين

يرتدون الأرواب الرسمة)

مستشار 1: هاتوه

مستشار 2: والتحليل

مستشار 3: اعملوه (يقفون دائرة حول أحمد)

أحمد: مستحيل، مستحيل

المستشارون: (معا) ايه هو اللي مستحيل، انت ما تعرفش ان

شرف البنت زي عود الكبريت

أحمد: هوا انتو ما دريتوش، دا بقى علبة كبريت بحالها

مستشار 1: بيحاول يستعدي عليه الحكمة

- مستنشار 2: فالح، فاكر يقدر يردها
- مستنشار 3: كان غيره اشطر، على مين على مين على مين
- المستنشارون: على مين يا سيد العارفين، ان كنت جاي تغني روح
إسأل قبله أنا مين، ما تروحش تبيع الميه في حارة
السقاين. أه
- الأوروبيات: يا نساء العالم اتحدوا ومولوا دي مننا وتهمنا
والشرق الأوسط كله مفيهوش رجاله تهتنا. ياي
بيئة وتخلف وناس ضايعة في ناس تايهين
- عبلة: أه هاولد يا بابي، هاولد يا مامي، أسامه بيزق بإيد
ورجل
- الأوروبيات: وشه أحمر بلون الفجل
- زينب وحمدى: صوري يا إذاعة وقول يا TV
- د. زينب: شمال شوية (تحرك الكاميرا وعبلة في وضع الولادة
على التروولي بينما نشاهد رأس الجنين في عملية ولادة
على شاشة السينما)
- د. حمدى: والا اقولك يمين درجة واحدة موش درجتين
- د. زينب: اضبط زاوية
- د. حمدى: اطبع بالملايين (فيكس كادر على رأس المولود على
شاشة السينما)

زينب وحمدى: ويا مطره رخي رخي على قرعة بنت أختي
د. حمدى: (معزول إضائيا، بمفرده، ويأتي صوته عبر البلاي باك)
يا مطره رخي رخي على قرعة بنت أختي، استلقي
وعدك يا عبلة يا حلوة الحلوين يا سلام أما حنة خطة
ما تخرش الميه. بس ما ينقصهاش الا التساهيل
والتوافيق. والنبي واللي نبي النبي نبي لأبسكم
الطرحه والعمه واكلوظها على دماغتكو تغمي عينكو
وتعمي بصركم واهري يا مهري وأنا على مهلي
(بصنع إشارة تفيد أنه بغيظ المنفرجين)

إظلام

FARES_MASRY
www.ibtesama.com
منتديات مجلة الإبتسامة

المعجزة

FARES_MASRY
www.ibtesama.com
منتديات مجلة الإبتسامة

الفصل الأول

المشهد الأول

(مكان بالغ الفقر عبارة عن أربع أسرة معدنيه شبيهه بتلك التي بالمستشفيات الاسرة موجوده بجانب بعضها البعض، الاول للأب عبده، اما الثانى و هو دائماً خال و قد كان للام انشراح، اما الثالث فهو للابنة حكاية، وكذلك الرابع فهو للأبن مفتاح، ويفصل بين كل سرير وآخر ملاءة . هناك أعلى يسار المسرح باب للخروج من الشقة وهو متهاك، وأمام الأسرة يوجد كليم أو اثنان ، فوق إحداهما طبلية وعند منتصف المسرح إلى اليمين، هناك باب للحمام بجوار الحوض في ركن بزاوية المطبخ أعلى اليمين، ثم أجولة للجبس منتشرة فبي أرجاء المكان .
يدخل مفتاح من الباب الكائن أعلى يسار المسرح متسللاً على أطراف أصابعه ، يطمئن أن أخته نائمة في سريرها، ويصدر عنها غطيط وسرعان ما يعاود إلى الوراء بظهره ويفتح الباب).

FARES_MASRY
www.ibtesama.com
منتديات مجلة الإبتسامة

مفتاح: (هامساً) نايمه وبتاكل رز بلبن مع الملائكة .

ص هدية: هو أحنا حنعمل أيه ؟

مفتاح: أنتى جاية قدام الشقة وتفتحيلي محضر .

ص هدية: هو السؤال حرم ولا السؤال حرم .

مفتاح: (ندخل هدية وبضع مفتاح بده على فمها) .

إقفلني بقك ووطى حسك، إلا جاينين نعمل أية؟!
هانزور بعض ، إنتى تزوريني وأنا أزورك
وتعرفيني وأعرفك، وبين روض الفرج وأمبابة
كوبرى، يعني الوصل جميل حلوا محلاه .

هدية: وأن أتقشنا مين ها يرحمني ؟

مفتاح: ساعتها إعملى تايهة ، بتمشي وإنتى نايمة ،

الذاكرة ضاعت منك وبتدوري عليها في كوم
قش ، هو الجميل ها يغلب برضه (بضع بده أعلى
ذراعها)

هدية: لو حد مد أيده عليا هاكله بسناني ، أنا با قولك

أهوه ، عشان ما تجيش تنوح وتولول أبويا !! ليه
تعملي كده في أبويا ، حاكم أنا خلقي ضيق وما
ليش في لوع الرجالة السيس بتوع اليومين دولي

- مفتاح:** الجميل أعصابه فاكة وعاوزة تتربط .
- هدية:** وعلى كده معاك مفتاح
- مفتاح:** (يجلس هدية على السرير) معايا شنطة العده بحالها
- هدية:** (بدلال) بتأكلنى الاونطه، وكل مره نرجع لأوله
الخط، خلاص شبتت كلام وحديت
- مفتاح:** عاوزه إيه ؟ طرى على قلبى
- هدية:** (بنفسى نبره الدلال) عاوزه الطشك سداغك يا
غيت ، يالى مفكش ريحة الدم، انا قلب وروح ،
انا انسانه يا ابن الكلب
- مفتاح:** بحبك يا هدية
- هدية:** (تدفعه بكلنا بديها على السرير وتهم بتقبيله،
خبطات على الباب يقفز مفتاح من على السرير
ويجرى عدة مرات ما بين الباب و السرير)
- مفتاح:** ابويا ، ابويا
- هدية:** انت مش قولتلى هيبات فى الدكان
- مفتاح:** إيه الى جابه ؟ مش عارف هنعمل ايه دلوقتى،
(بلطم وجهه) نعمل ايه ؟! اقولك ، تحت السرير،
(خبطات على باب الخروج)
- عبده:** (صوت من الخارج) وله يا مفتاح ، بت يا حكاية

مفتاح: إنزلى تحت السرير ، أبوس إيديكى و رجليكى
متودنيش فى داهية

هدية: و أروح إزاي يا بتوع الجبس؟! والها خد مترو
الانفاق

مفتاح: (**مفتاح يخبط بيده على صدره**) هتروحي ، كلها
نصف ساعة بكتيره ويروح فى الغميق

هدية: يخرب بيتك وبيت ابوك ، قلبي عمره ما طمنك ، وادى
جزاة الى ما يسمعشى كلام قلبه ، قطع اليوم الي
شفتك فيه ، يا قليل الحيلة يا معدوم الرجا

عبده: (**يخبط من الخارج على الباب**) افتح يا خم النوم
منك ليها

مفتاح: (**يمثل دور النائم**) ايوه ، ايوه مين ؟ .

عبده: افتح يالى ماتتسمى انا عبده يا بن الذكيه

مفتاح: (**يفتح الباب**) ايه يابا ، عامل هلولة على روس
الجيران ، يقوله راميين ابوهم بره و مش عاوزين
يفتحوله

عبده: اوعى كده من قدامى و انت زي البغل ، اوعى من
وشى ، شوف ياخويا الواد متنح ازاي !!

(**يزيح عبده مفتاح جانبا**) جاتكم شوطه تاخذكم

فى وشها حزم حزم (يقول عبارته الاخيرة بوهن
بينها يكون قد وصل الى حدود سرير حكاية فيستند
بذراعة اليسرى على مسند سريرها الخلفى).

مفتاح:

و تفكر لما الشوطة تاخذنا فى وشها ها تستريح؟!

عبده:

يا سلام ، ساعتها البيت يفضى عليا ، بس ربنا

يلطف بيكو ويخلصكو من بين ايديا

مفتاح:

وهتلاقى فىن اتنين بهائم زينا ، بيشيلوا ويحطوا

ويكنسوا ويمسحوا ورا ضيين بلقمتهم

عبده:

هو انا ضربت حد على ايده ، الباب قدامك اهوه

يفوت جمل ، يالا يا جمل فوت ، ما تفوت يا جمل،

هاه ما فوتش ليه ؟

مفتاح:

يايا

عبده:

بو لما يلهفك ويكفيك على بوزك ويسفك التراب .

مفتاح:

ما تاخذنيش فى دوكة بالشويتين الألبنضة بتوعك

دول ، أحنا لينا حق عندك وملزومين فى رقبتهك .

عبده:

إبقي فرجني ها تأخدوه أزاي ، موش كفاية أويكم

تحت سقف بيتي ، بتاكلوا وتشربوا وتناموا .

مفتاح:

ما الحيوانات بتاكل وبتشرب وتنام .

عبده:

الحق فى يمينك ما قولناش حاجة ، بس الحيوانات

ما بتخونش صاحبها يابن أمك

مفتاح: بخك وشحك هما السبب ، ياراجل وريتها م العذاب أشكال وألوان وشتايم ولسان زفر، وشخط ونظر بسبب ومن غير .

عبده: دابدل ما تروح تقتلها وتغسل عارك ، (بضرب كفا بكف) الدنيا اتشقلب حالها يا جدعان ، وبقت سايب في السايب ، وليه لأ ، ما هو اللي يدور ما يلاقيكوش من صلبي، أكيد دا لحم ودم الحلواني .

مفتاح: أنت بتخرف تقول إيه؟ (مسك برقبة عبده ويضغط عليها) أنا وأختي موش ولاد حرام يا عبده.

حكاية: (تنهض مفزوعة من سريرها) لأه يا مفتاح ، كله إلا كده ، هو عاوزك تقتله وتروح فيها ، إوعي تمكنه ياخويا ، خليه يهري في نفسه لما يموت، وربنا يرحمنا ، عشان خاطري ، دا أنا ما ليش غيرك في الدنيا دي ، أخزى الشيطان يا حبيبي ، أخزى الشيطان.

مفتاح: اللهم ما أخزيك يا شيطان .

عبده: (من مكانه على الأرض) ما بتكلمش حاجة بدأتها ، هوا دا عيبك ، دوس ، وقفت ليه ؟ أبداً ما تقدرش

تبص لقدام ، تتوه ورجليك تخونك وتتسمر في
مطرحك زى لوح الأبلakash، أبقى قابلنى لو
فلحت.

حكاية: يا لالا يا با قوم نام ، كفاية كده النهارده ، انت ما
بتزهقش ؟

عبده: لأ ما بزهبش ، ، وراكوا وراكو لحد ما أجيب
أجلكو.

حكاية: (بنبرة ذات مغزى) ربنا يدك الصحة ، بس خلصنا
وروح نام، يالالا مفتاح إنت كمان الصباح رباح
ياخويا (بذهب كل من عبده ومفتاح إلى سريريها
ويستلقيان) عاوزة أسمع شخيركم (تذهب
حكاية وتنمرد بعكس اتجاه السرير بحيث يصبح
رأسها في مواجهة الجمهور) .

عبده: والنبي لأخليك مرة ياوله يا مفتاح ، وابقى افتكر ،
راجل سلت ملت ، البسك ملاية وتعمل حلاوة
كمان.

هدية: (برأسها من تحت السرير) يبقى أنا لازم أعملك
كشف طبي قبل أى حاجة ، فاهم

مفتاح: (بخلع الشبشب في موجهتها) هوأنا داخل
حربية يابنت الكلب (تخفي هدية تحت السرير)

عبده: (مستهماً وهو بين النوم واليقظة) وتلت وتعجن
والحارة كلها تتفرج عليك وأنت مدلدل ، لأمدلده
تنشري الغسيل يابيضه .

هدية: (تطل برأسها مرة أخرى من تحت السرير) بيضه !!
ما داهيه لتكون نص سوا.

مفتاح: (يضغط بيده على رأسها ، فتختفي تحت السرير)
ما ترفعيش رأسك لارتكب جناية .

عبده: لازم النفس من هنا ورايح يبقي بحساب ،ها
عده عليكو نفس نفس لحد ما تخلصوا قدام مني
وتبقوا جلد على عضم ، وجعتوا قلبي ، ربنا يوجع
قلبك (صوت شخير عبده) إطفى النور يابت حكاية
والا هوا مال حرام ؟! (صوت شخير عبده يرفع
رأسه وهو شبه نايم) ما هو إنتو موش خاسس
عليكو حاجة بس إعملوا حسابكم لو الفاتورة
جات بزيادة هاخصمه من أكلكم وشربكم (صوت
شخير متواصل)

هدية: (برأسها من تحت السرير) أبوك معفن أوى يا مفتاح
(صوت شخير مفتاح) يخرب بيتك وبيت أبوك ،
أنت نمت! أصحى يا مدهول قوم روحنى (صوت

شخير مفتاح، تصعد هدية من تحت السرير) ياللا
أفتح الباب ، أهلى ها يقطعوني لو ما روحتش
دلوقتي (نهزه) إصحي ما تقطعش نفسي، يعني
مفيش فائدة ؟ خلاص! ابقى استلقى وعدك لما
أخواتي الرجالة يعرفوا أنا كت بايته فين، أنت حر
خلاص ها يعلقوك في الدكانه ويبيعوك بالكيلو،
طب اصحي عشان خاطري، يعني ترضي لأختك
كده؟ (نلطم خدودها) أعمل إيه بس ياربي (صوت
شخير مفتاح يتجاوب مع صوت شخير عبده،
تنهض حكاية من سريرها ... تحس هدية بحركتها
فتختفي تحت السرير، تبدو حكاية كسلويت من
خلف الملاءة .. وتظل من ورائها على عبده ثم على
مفتاح، وعندما نطمئن على أنهما قد ناما، تذهب
إلى سريرها وتنزل برأسها إلى أسفل السرير.)

حكاية: (بهمس ودلال) سمبيير سمورة سمورتي (يطل

سمير برأسه من تحت سرير حكاية) إطلع

سمير: أنا اتشليت

حكاية: تعالي بقي بلاش دلح.

سمير: موش قادر اتحرك بقيت عامل زى الفراخ

المتجمدة .

حكاية: طب قول ديك ياسموره ما تقلقنيش .

سهير: بقولك دمي نشف

حكاية: يعني أيه، اليوم أنضرب

سهير: ياريتها تيجي عل اليوم يا حكاية، خايف من كل

قلبي إنها تبقى حكاية كل يوم

حكاية: جمد قلبك يا سموره وأفتح صدرك

سهير: بقولك الماسورة الأم أنضربت خلاص.

حكاية: السباكة دي مهنتي، المسدود اسلكه، واللى بيخر،

جلده تربطه، اطلع واتكل (تمد له بدها بصعد سمير

الى سرير حكاية) مستني أيه؟ اقلع بقي .

سهير: لو أتقشناها اتقتل

حكاية: ارمي وراء ضهرك والا أقولك يسمع من بقك ربنا.

سهير: دا إنتى راسماها بقي ومخططه .

حكاية: لأ وحياتك ما تفهمنيش غلط ،كله معايا عل الهواء،

لو حصل تبقى فضيحة يبقى إزاي نلمها، موش

في القسم ولا فى المحكمة ،تربنتنتى واتمخبرى

(نقوم حكاية وننف راقصة على السرير فى

الصهت) هات حضن كبير عشان تبقى مدير على

قلبي ومهجتي .

سهمير: (هامسا) سالمك على وأنا موش قدكو .
حكاية: (تنزل على ركبتيها أمام سهمير) اطلع على المواسير،
والدور الأول هين ويسير ياسى الأستاذ سهمير
(تمد يدها لتفتح زرابير قبصه وتخلعه أباه، ولكنها
تجد قهبيصا آخر) داهية توكسك متكتول آخر
كتوله .

سهمير: الدنيا برد زمهرير .
حكاية: لو أعرف كنت عملتك حلبه حصي، والا أقولك،
قرفه باللبن .

سهمير: باحبها بالزنجبيل .
حكاية: تحت أمر أمر امرك، بس وحياتي خلي الطاسة
تبرد (نشير بيدها الى رأسه) والقلب جمره يولع
(تساعد سهمير على خلع قهبيصه الثاني) زى لمبة
في ليلة سوده كحل (نجد حكاية القهبيص الثالث)
لأه، هيه ليله سوده على دماغك (تدفعه بكلنا
يديها) شوف سكتك موش عاوز أشوف خلقتك .
عبده: (وهو نائم) وله يا مفتاح أنا سامع خروشه .

حكاية: (هامسة) ما تتسمرش في حتتك، تحت السرير
وادارى، ايكش أعرف اصرفك (يدخل سهمير تحت
السرير)

- ســـــمـــــير:** إية بس اللي جابني عندكو، جاتكو داهية كلكو.
- عـــــبـــــده:** اصحى ياوله يا مفتاح باقولك سامع خروشه .
- مـــــفـــــتاح:** يا با هو كل ما عيني تغفل تفنجلها لى .
- عـــــبـــــده:** عامل موش سامع والا انطرشت في ودانك .
- مـــــفـــــتاح:** تلاقيك كنت بتحلم، والحلم ما جاش على هواك .
- عـــــبـــــده:** الحلم بنشوفه ما بنسمعوش يابن أمك .
- مـــــفـــــتاح:** تهيئوات، ولا أقولك يمكن فار دخل عندنا غلط، نام
انت وبكره هتلاقيه ميت م الجوع
- عـــــبـــــده:** لو فار يبقى لازم تمسكه ونسمى عليه
وندبجه، عشان يبقى حلال (ينهض من سريريه
ويتناول مقشدة) جه لقضاه ابن الهرمة .
- مـــــفـــــتاح:** (ينهض من سريريه هو الآخر، ويقابل عبده أمام سرير
حكاية) يابا أنا شقيان وعاوز أنام، حلفتك بالنبي
إرجع لمطرحك ما تخلنيش أكرهك .
- عـــــبـــــده:** أنت زيك زى الفار عاوز تفرقضىنى حى، بس ده
بعيد عن شواربك، أنا اللي ها ادفنكو كلكو واقعد
كمان على قبركو .
- مـــــفـــــتاح:** طب على خفيف على خفيف لحسن تطب من
طولك، واللى أخذته باليمين تديه بالشمال، أشي
أطبا و اشى حكما وأدوية وخلافه .

عبيده: رقدة السرير موش للى زىي يا حيله ،أنا سلسال

جباره يعملو م من التراب ألماظ (يلعب بجوابه)

مفتاح: ما تكسرليش دماغى على وش الفجر، انا باقف

على حيلي من طلعة الشمس لحد أقبل الليل يا

حبيبي، ولا طایل منك أبيض ولا أسود، وكمان

مستكتر عليا الساعتين ثلاثة اللى بامدد فيهم زى

القتيل ؟

عبيده: الله الله، حبيبي يانبي ،الواد ها يخش الجنة وأنا

ها ترمي في النار.

مفتاح: ما تسبقش رايحها رايحها، داخلها داخلها (بدرجة

صوت منخفضة) فيه اتنين قاعدين ومترستئين

على كتافك، بيقيدوا ويسجلوا يا عم عبده.

عبيده: امضع كرهك نداغه، قادر كريم توقف في زورك

تطلع روحك.

مفتاح: ما تفش غلبك فيها فيه ،اللى هجت وقالت حقي

برقبتي وجرستك قدام العالمين

عبيده: لادد عليك عملتها 000 هاه ؟ طب يا جبلة يانطع،

والله واللى نبى النبى نبى ما فايتركو الا البذره

تنحتوا فيها ، ولحمي اللى عاوزين تلغوا فيه،

ها أسليه ورقه ورقه ، جنيه جنيه وقدام عينيكو
لصاحبة القسمة والنصيب ، أه ما الواحد منا في
السن دي محتاج مرة نغشه تعوضه عن سنين
الضنك مع أمك ، أجيبك صينية بسبوسه يا
حبيبي والا بتجزع م الحلاوه .

مفتاح: اتشطر انت بس عل الحلواني، والا خايف منه
يلبسك بلح الشام كله .

عبده: انت يا واد عامل راسك براسي، والكلمة قصاد
الكلمة ،والله تلاتة لولا الناس لكت فعصتك فعصه
النمله.

مفتاح: كلام الناس مين ياعبده ؟هوا إنت تلاقى أهبل
غيري فين تمص دمه؟!

عبده: روح نام وبلاش خوته دماغ ، غور .

مفتاح: نام إنت.

عبده: ياواد ما تنحشى كده تتنيحه البرص قبل ما ياخذ
على دماغه بالشبشب.

مفتاح: ما تنحشي إنت.

حكاية: (تنهض على خلفيه سريرها) يادين النبي (تنطق
جمالها ممدوده) عيله قدامها نكد ووراها نكد،

لسانها متبري منها بخلصونا بقي وكل حي
يتخذ على سريريه، ليلة أية اللي موش فايته دي .
(يدفعها بيده فتنقع بظهرها على السرير) غطي
وشك إنتي وإقفلني باب وشباك وما أسمعلكيش
حس، لحسن عندي دمل بينقح عليا ومعفرتني
وعاوز أفتح دماغه واصفى المده اللي جواه.

عبـدہ:

إيه يا با مالك لا على حامى ولا على بارد، والا
أنت غرضك تسرسبنا واحد ورا التانى .. لأه ..
وبأقولها لك وبالغم المليون يا عبده ، أحنا لينا حق
في الفلوس اللي كانزها على قلبك، ووراك ليوم
الدين، أنا عاوزه أتجوز ياناس أتجوز يا خلق هووه
أقول إيه وأعيد إيه !! جسمي قايم عليا وخارج
عن طوعى، وبعد كده ترجعوا تقولوا باظت وما
باظتش، الحقني يا مفتاح خد حقا وحقى منه .

حكاية:

كسر حقا يا صايغه يا صايغه يا للى موش لاقيه
حد يلمك، هو البيت دوه

مفتاح:

مالوشي راجل !؟

(تلطم على خدودها) جاي تسد ودانك 0 إنت
روخر بدل ما تاخذنى في حضنك وتسمع وتفهم .

حكاية:

مفتاح: (يصفح حكاية على وجهها) أخرسى يا جزمه ما اسمعلكيش حس، أه ما أنتى مالكيش أب يترد عليه.

حكاية: ما لكش ضرب عليا ياللى فضايحك على كل لسان، شاطر بس تاخذ النسوان في الدكان لما أبوك يكون بايت هنا.

هدية: (نطل برأسها من تحت مسند السرير الخلفي) والله مارحت الدكان دى أول مرة والله العظيم (صهت)

عبده: الله أكبر والعزه للعرب مين دى يا حامى الحمى؟

هدية: (نخرج من تحت السرير) أنا اللى أهلى ها يقطعونى حتت ويبيعونى بالكليو وبعدين يولعوا فيكو وفى الحته كلها ،أنا اللى أول مرة أنحرف والهوا

ما جاش سوا، عاوزه أروح أبوس ايديكو ورجليكو، الفجر قرب يشقشق ولو أهلى صحيح ومالقونيش هاتبقى داهيه ودقت خلاص (بنجه عبده الى باب الخروج ويفلقه ويضع المفتاح في جيب جلابيه).

عبده: لا حد هايخرج ولا حدها يدخل، أنا عاوز أهلك يرقعوا سداغ اللى سحبك وجرجرك على هنا،

فاكرها وكاله من غير بواب، واللى تحسبه فار
اتابيه عرسه (لفتاح) والله وقعت ومحدث سمي
عليك .

مفتاح: خلاص يابا انا من إيدك دي لأيدك دي، بس سيب
البت تروح.

حكاية: ما تشتروش وتبيعوا فيها، يابا أنت عندك ولايا
استرها يستر عرضك.

عبد: أتاري الدنيا باظت ياولاد وأنا نايم على ودانى،
إسمك ايه يا مقصوفه الرقبة (بلوى ذراعها)

هدية: هدية يا عمو .
عبد: عمو ، وصلنا لعمو ، حصلت ، اقفى عدل يا بت و

متتقصعش فى كلامك
هدية: مانا واقفة عدل أهوه .

عبد: لأ بتتقصعي ولما أقول تقفى عدل يعني (بضربها
بالقلم على وجهها) تقفى عدل .

مفتاح: يابا دي بنت ناس ما يصحش كده.
عبد: وبنت الناس جاية تعمل عملتها زى الكلاب !!

خلاص دمكو إتصفي ومابقاش فيه نقطة دم
واحد تحمروا بيها وشوشكو.

حكاية: خلاص، غلطة وراحت لحال سبيلها محدش معصوم، حط نفسك محلها يابا حط نفسك محلها.

عبده: أحط نفسي محلها فين؟ تحت السرير.

مفتاح: (يميل على أذن عبده) الوقت كالسيف إن لم تقطعه قطعك.

عبده: أدى اللي إحنا واخدينه من علامك فذلكه وكلام يتعلق في الباتارين، لا يوكل ولا يشرب، خسارة القرشين اللي دفعتهم مدارس ومدرسين.

سمير: (بطل برأسه من تحت السرير) ياخوانا مزنوق عاوز أخش الحمام وانتو واقفين تتسايروا (الجميع يتسمرون في اماكنهم وينظرون لحكاية)

حكاية: إيه بتبصولي كده ليه؟ (تغني) عريسي أهوه وأنا جاية أهوه، ما تزواقيني ياماما قوام ياماما، دا عريسي ها ياخذني بالسلامة ياماما (أثناء الأغنية نسحب حكاية سمير من تحت السرير لبقفا كعريس وعروسه، يلاحظ أن سمير يتلوى من الم معدته).

عبده: أكيد أنا لسه نايم وما قومتش، لأ أنا دلوقتي أهوه باكوبس، وله يا مفتاح أقرصني من دراعي

عشان أصحى (بقرصه مفتاح) أه شوال جبس
وقع على ضهرى من سابع دور وقطمه، بقيت من
غير ضهر خلاص وما فاضليش الا وشى أخبيه م
الناس، اقرصنى يا مفتاح وصحبنى، ما تخافش
موش ها توجع (بقرصه مفتاح) أقرص كمان
جامد، بأشد ما في عزمك (بقرصه مفتاح) أيوه
هيه دى وجعتنى، وجعتوني كلكو يا اولاد الكلب
(يلف عبده على محوره وهو بفرد المشبة الجميع
ينحنون لتفادى الضربة، تتحول خشبة المسرح الى
ما يشبه عشه الفراخ هرج ومرج وأصوات صراخ)

إِظْلَام

المشهد الثاني

(المكان نفس المكان، ولكن أعيد تأيئته وأصبح بادي الثراء .. عبده
جالس على كنبه وثيرة وينحدث في الموبيل)

عبده: يتلکم في قلبه، تربه تلمه، دا بدل ما يبوس الأيادي
،داير يشنع ويحط صوابعه النجسه في سلطانيه
الحليب، كان زمانه بيتباع بالكيلو، أه لحم حمير
بعيد عنك، لأه ما تكولش م الكلام دوه ،أيوه،
أحلف بسماها وبترابها دي دموع التماسيح ،
عيال عاوزين يلغوا في لحم أهاليها ... (صمت)
يا عمنا ما هو لازم يبكى ويتباكى ويقبلنا
الفرح معزى، قلتها له وسمعها كويس أوى،
هالبسه الطرحه، ولو ما حطش في عينه حصوة
ملح ها حزمه وأخليه يرقص عشرة بلدى واللى

ما يشتري يتفرج لأ ما يرضنيش، لأكلمتك ما
تنزلش الأرض ، إنت عمنا وعم الكل، سيف على
رقبتي، ما أقدرش افتح فيك ، خلاص .. خلاص،
بس ما يورنيش وشه ، أه، يبات في الدكان هو
والمنحرفة أخته ، ما يعتبوش هنا ليوم الدين ،
استبيننا صباحك زى الفل (يغلِق الموبيل ، نخرج
هدية من باب الحمام وهي تردندى بشكير وتلف
فوطه فوق رأسها) .

- هدية: ايه يابودي مزعل نفسك عل الصبح ليه ؟
- عبده: الواد داير في كل حته ينقط سم .
- هدية: خليه ينكت ويغل في نفسه، وأحنا في حالنا لا
ها نشوفه ولا نسمعه، مسيرة يزهب ويحل عن
سمانا .
- عبده: لأ، أنا عاوزه مربوط في ساقيه .
- هدية: يبقى غاوى نكد .
- عبده: بلاش عبط، دا شايل الشغل شيل وما أقدرش
أمن لحد غيره ،وبأكلته هوه وأخته .
- هدية: تلاقيه بيسمر من ورا ضهرك .
- عبده: بيلم فتافيت من هنا ومن هناك ،واللى تعرف ديته

اقتله، والفتافيت دي هيه ديته يبقى نروح للى ما

نعرفلوش ديه؟!

هدية: دماغك كبيرة أوى يابودى .

عبده: السوق يا ما بيعلم يا أحلى هديه .

هدية: يعني مبسوط .

عبده: مفيش بعد كده ، حاسس أنى رجعت رهوان .

هدية: هما شهرين تلاته كمان وأرجعك تلاتين سنة لورا .

عبده: دا القرص اللى جيبتھولى إمبراح سحر، يحيى

العظام وهى رميم، أما كات ليلة.

هدية: دخلتنى الجنة يابودى .

عبده: بتكلمى جد .

هدية: الجد وأبوه الأثنين سوا .

عبده: (يقترّب منها كثيراً) كنتى فىن من زمان ؟

هدية: عاوز إيه ؟

عبده: عاوز أكل ملين .

هدية: طب ما تفتح عينك .

عبده: أهوه .

هدية: (نخرج قرصاً أخر من صدرها) خد أبلع ريقك .

عبده: عليا بكوبايه الميه (نجرى هديه ونخضر كوبا من الماء)

- هــديـة:** (وهي تقدم له القرص) إهدا يا بودى ، ده ما
يتاخدش على معدة مليانه ، وأنت لسه فطران .
- عـبـدـه:** أحنا بنسعى في الحلال ، أتوكلى على الله .
- هــديـة:** عاوزاك تستربع وتقعده مطرحك ، وتعيش
وتشوف لحد ما يشتغل، تدخل الجنينه وتمد
إيدك تقطف اللي تشتهييه .
- عـبـدـه:** دمي طلع في نفوخي يا هديه .
- هــديـة:** خليه يغلى ويفور في الجته كلها .
- عـبـدـه:** ما تحنسينيش .
- هــديـة:** موت م الجوع .
- عـبـدـه:** ها تعملي عملتك وترجعي تقولى يادهوتى .
- هــديـة:** أغيظ جيرانى واللى حاسدنى ،واللى يزمر ما
يداريش دقنه يا عبودى بودى بودى .
- عـبـدـه:** فانت نص ساعه .
- هــديـة:** فاضل ساعه ونص .
- عـبـدـه:** الكلام خلص .
- هــديـة:** خدك تصبيره (نقبله من وجنته) .
- عـبـدـه:** ورينا الهمة .
- هــديـة:** (تضغط على زر الكاسيت الموضوع على طاولة

دائريه بجانب الأنتريه الذي يجلس عليه عبده) دندن
ياسى عبد الوهاب (تصدح الموسيقى بمعزوفة أنت
عمرى، وتبدأ هديه الرقص على أنغامها، ثم يقوم
عبده ليراقبها .. نسمع خبطات على الباب ،
بضغط عبده على زر الكاسيت فيتوقف اللحن)

عَبْدُهُ: قال يا قاعدين يكفيكو شر الجاين .

هَدِيَّة: خليهم يرنوا مطرح ما هما واقفين (خبطات
على الباب، يهجم عبده على هدية ويطرحها على
الكنبه) .

هَدِيَّة: قوم كده جسمك ثقيل على جتتى .

عَبْدُهُ: عشان عيونك سبت شغلي وشغلتى .

هَدِيَّة: ياختى اتاخر كده حبتين .

عَبْدُهُ: ما المطرح يساع بدل الجته جتتين .

هَدِيَّة: عيل شقى .

عَبْدُهُ: (ينزل حنثها بحيث تصبح هديه فوقه) إضربيه

إركبيه حمار و دلدى .

هَدِيَّة: وان جه على غفله ورفس .

عَبْدُهُ: موتيه ، قطعيه وكلييه واستطعمى .

هَدِيَّة: كلمة شرف !!

عبده: (يستعيد وضعه السابق حيث يصبح فوقها)

كلمة شرف بس اهمدى (خبطات على الباب مرة
أخرى) مين اللى بيخبط؟ رد ياوش الأذية.

هدية: قلتك ما أحناش هنا، زى ما تكون بتدور عل الهم
بمنكاش .

عبده: يمكن أهلك جاين يشقروا؟

هدية: ما ناظمنتهم، وأبويا بعثلي فصين كبده من آخر
دبيحه وطبخاهمك عل الفدا غير العكاوى عشان
تشد العصب، روح افتح بقى.

عبده: موش فاتح بيان أيكش يولعوا.

ص إنشراح : ياراجل ياشايب يا عايب، عارفه
إنك جوه وسامعه حسك إنت والمسخوطه بتاعتك.

عبده: يا نهار اسود دى إنشراح.

هدية: وتطلع مين دى اللى لسانها فالت عليك ؟

عبده: أم الزفت العيال .

هدية: وجايه تهبب إيه الساعة دى ؟

عبده: أهوه تهلفطالها بكلمتين .

ص إنشراح: أفتح يا عبده، وإلا هاكسرا لبايب وأغرمك،

هدية: ها تسكتلها؟

- عبده:** خليها تبخ سمها وتغور .
- هدية:** طب سيبني عليها ، أصل ما يكسرش نفس المره
ويزلها إلا مره أصغر منها .
- عبده:** (بحتضن هديه) وتكون لونه .
- هدية:** (تقترب من فم عبده) طوالى تجيب مناخيرها
الأرض .
- عبده:** (يقبلها أعلى الكتف) ياللا أهجمى وسففيها
التراب ملو بقها (تذهب هديه وتفتح الباب) .
- هدية:** نعمين ، هو الواحد ما تعرفشى تاخذ راحتها ويا
جوزها في بيتها والا ما تعرفشى؟! (بلاحظ أن
انشراح نسحب في يدها بنتاً صغيرة حوالى عشر
سنوات)
- إنشراح:** حاسبى يا بنتى من قدامى ، أنا موش جايه أتعارك
وياكى .
- هدية:** اللى يمس شعره من جوزى ، أكب عليه زيت مغلى ،
أه زيت مغلى .
- إنشراح:** قلتك يا بنتى فيه كلمتين لازم أقولهم لجوزك
ولازم يسمعهم .
- هدية:** ما هو الكلام واجب يعدى عليا الأول يا أبلتى ، أه
يعدى ما يعديش ليه؟

إنشراح: (تخلع الشبشب وتبدأ في ضرب هديه) بتتقصيلي

يامعده، يازباله الدكاكين، يا لحمه مدبوحه بره
السلخانه وما عليهاش ختم (تصرخ هديه بين كل
جملة وجملة، ويحاول عبده اعتراض جسم إنشراح.
الا أن انشراح تضع رأس هديه تحت إبطها) .

عبده: ما يصحش كده يا أنشراح دي أبوها جزار، يعنى

أيه مدبوحه بره السلخانه غرضك توغوشيني
مش كده ؟ لأه بقى دي جوه السلخانه ، جوه
بالقوى كمان ،وعلى إيدى .

إنشراح: طب قطع وكل ياخويا لحد ما تكبس على مراوحك

وتموتك.

عبده: إيدك إنتى ورقبتها، البت تفتس وتدخلى السجن

خمسة وعشرين سنه

إنشراح: من أمتى يا خويا قلبك بيرق وبيهمك حد.

عبده: أهوه رق وشف لما لقي وليفه اللي بجد .

إنشراح: طول عمرك تاكل وتنكرزى القطط والطبع فيك

غلاب.

عبده: لو نسيتموا اللي جراهاتوا الدفاتر تنقرا .

إنشراح: بس نبتدى بكتاب حياتى ياحيله، صفحه صفحه

كلمه كلمه.

عبده: حلو قوى، بس نمشي م الآخر للأول ،جايه منين
يامؤمنه؟

هدية: يا أبلتى ها موت، إيدك عقدت على رقبتى.

إنشراح: أخرسى يابت لما نجمع ونطرح .

عبده: ونضرب كمان، والا دى ما وردتشي.

إنشراح: بس حاسب، وراك محاسب لا بيغفل ولا بينسى
وعينه....

عبده: اشمعنى.

إنشراح: مابتنامش.

عبده: هوا تهديد والسلام ؟ أما غريبه والله، دا أنا
شرفى أدلق على الأرض تقوليش .ميه، واتلم على
الطينه وبقى عجينه وكل اللى رايح واللى جاي في
جزمته.

إنشراح: أنا قفلت الخمسة وستين ،يابو عيالى .

عبده: باين عليكى، بس بيقولوا الدهن في العتاقى يا
إنشراح .

إنشراح: اللى يعاشرك يكره الصنف .

هدية: روحى هاتطلع ياناس، هاموت بين أيديكو، نفسى
انكرش .

إنشراح: انا هافكك عشان عندي عيال زيك ، بس تقعدى
عل الكنبه دهيه جزمه ، وتسمعى يمكن تشوفى
إيامك السوده اللى جايه (تطلق هديه من تحت
أبطها) .

هدية: وها تسوديهها عليا ليه ، موش بيقلوا بشروا ولا
تنفروا .

عبده: ادخلى أنتى جوه يا هديه.

إنشراح: وأنا قلت تعقد ع الكنبه ديه يا عبده جزمه .

عبده: عدى ياليله يا إنشراح .

إنشراح: ليلتك موش فايتيه يا عبده (لهديه) يا زين ما
إخترتى يا حبيبتى ، الراجل الكباره بعد أربعين
سنة جواز جاى يتهمنى فى شرفى (لعبده) بقى
بالذمه موش مكسوف على دمك ؟

عبده: مين اللى خلاكى تسيبى البيت يا إنشراح ، موش
الطواني ؟

إنشراح: ياسلام عليه راجل ، النبى حارسه وصاينه ، جمايله
ع الناس كلها ، وإيديه ممدوده بالخير للى يقصد
بابه ، دا اللى بنى مصر يا هديه .

هدية: كل الناس بتحكى وتتحاكى عن كرمه .

عَبْدُهُ: إنتى ها تعموى على عومها يابت .

إِنْشِرَاح: (مستهمرة) والكريم عمره ما ينضام، قصدنى أربيله تحفه بنته بعد ما ربنا استرد وديعته، أمها ربنا يرحمها .

عَبْدُهُ: أه فاتفوتى بيتك وجوزك وولادك عشان تخدمى فى البيوت .

إِنْشِرَاح: الراجل ياما وسع علينا لما كنت خانقنا، والجينه دينك ودينيتك ومزغلل عينيك، ولما يحتاجلى أقوله لأه، حقه بطلوا ده وأسمعوا ده .

عَبْدُهُ: ياما سرقتينى وقلبتينى، بس يسوهى عليا واسيب محفظتى .

إِنْشِرَاح: ما جبتليش هدمه طول الأربعين سنه، ربنا وحده اللى يعلم ولادك أكلوا وشربوا وأتعلمو امنين، طب بدمتك ودينك، كت بتسيب مصروف للبيت؟ هيه الخدمه فى البيوت جديدة عليا يا عبده؟! (مقلدة عبده)، أه وماله إخدمى، بس عند الحلواني لأه، (تعود لشخصيتها) لأنك طول عمرك منفسن عليه، لأنه أحسن منك وراجل بحق وحقيقى عفيف النفس .

عبيده: أنا عندي فلوس زكايب ، والحلو اني بتاعك دوه ما يدخلش في جزمتي فرش ليها .

هدية: إخص عليك يا عبده .

عبيده: (مقلداً هديه) إخص عليك يا عبده ، إيه يابت ، ها تعمى الين وتعملي أحسن مني؟؟ دا أنا واخذك من تحت سرير الوله المصدى مفتاح ، موش عشان حسنك وجمالك ، عشان أكسر نفسه وأذل بدنه .

إنشراح: ها يمص دمك يا هديه ، وفي الآخر يرميكي رمية الكلاب ، إنفدى بجلدك أحسن ، أشتري بكره .

عبيده: مفيش بكره لحد يا كبيرة السن ، باب بكره خلاص أتقفل عليا لوحديا .

إنشراح: مال الكنزى للنزهى .

عبيده: لأه وحياتك عندي ، هاسيبهم قرع وموش هايعرفوا يوصلوا القرش أبيض ولا أحمر .

إنشراح: دا بدل ما تجوزهم وتسترهم؟

عبده يرحوا يعملوا قرشهم بضوافرهم ، هما أحسن مني؟ وإلا أحسن مني قطر يدهسكم يارب .

- هـديّة:** حتى أنا يا عبده .
- عبده:** أنتى أولهم ، والا أقولك آخرهم مفيش فرق . حاكم سلت ملت ، محدش عارفك وش من ضهر ، بس أقول أيه بقى هو العند اللى ركب راسى .
- هـديّة:** طلقنى يا عبده .
- عبده:** إخلعى نفسك يافردة الشبشب ، أه ما هو كل اللى ما عندهوش شرف جاى يشتريه شرف على قفا العبد لله (لهديه) أشتري وماله أنا بياع إفصلي .
- هـديّة:** أبريك يعنى ؟
- عبده:** أهلك جزارين يعنى على قلبهم قد كده (بدفعهما بيديه) ياللا يا حمار وديله ، ورونى مقاس ضهركم ، خلاص شطبنا ، والنار طفيت ، هانقل الدكان ، بناقص النسوان من بابيه .
- إنشراح:** أوعى إيدك لأكسرها لك .
- عبده:** تكسرى دراع مين يا أنحراف ؟ (ويرفع يده تمهيداً لضرب إنشراح ، إلا أن تحفه التى مازالت تمسك بزبل ثوب إنشراح ، تنقدم لتصبح أمام إنشراح وفى مواجهة عبده)
- تحففة:** ربنا ياخذ روحك يا عبده (صمت) .

عبده: ربنا موش ها يسمع كلامك أنتى يا زبل حمام، حلوه
زبل الحمام دى (بضحك) ها ها ها (يضع يده قلبه)
أى نفسى، ها أتخنق، ألحقينى يا إنشراح، روحى
بتتسحب منى .

هدية: ما تصدقهوش يا أبله دا تمثيل فى تمثيل .

عبده: ريقى نشف ياناس وحلقى مولع نار، وقلبى
بيطفى نور (يقع عبده على الأرض مغشيا عليه)
إنشراح: أجرى يا هديه شوفى دكتور بسرعة، والا أقولك،
قولى لفتاح وهو
ها يتصرف .

هدية: انتى مصدقاه يا أبله، لسه باقولك دا مسلسل
تركى، وها يقوم زى القرد فى آخر الحلقة .

إنشراح: (مشيرة الى تحفه) لاه ، الظاهر أن البت دى سرها
باتع، ياللا قوام زى ما قلتك (يضاء فلاشر،
وبالحركة السريعة تذهب هديه لباب السكة، و
تسحب إنشراح عبده الى السرير، ويدخل مفتاح
والطبيب وحكايه وهديه، يكشف الطبيب على
المرضى ويشير إشارات تفيد موته، ويدعو مفتاح
الجميع الى الخروج ليصبح وحده مع عبده الذى يعانى

سكرات الموت ... تنتهي الحركة السريعة، ونصبح
عاديه، عندما يخرج مفتاح من جيبه بلالين، ويأخذ
في نفخها ووضعاها في صدر عبده، ثم يمرر قلم الروح
على شفثيه، ويضع في النهاية شالا فوق رأسه)

مفتاح:

هاه، إزى الحال دلوقتى يا عبده ، أديك أهوه لا
حى ولا ميت، بين البنين نفسك تموت بس موش
طايله ، ولو عشت مين ها يخدمك ، موش ها تلاقى ،
بح مفيش أحسن لك تموت وتسبب كل حاجه
وراك ، إنتو إيه ما بتتعلموش ابدأ ، الكفن مالوش
جيوب ومحدث بياخذ حاجة معاه ، فضلت تظلم
تظلم تظلم بس ربك كبير ولكل شئ نهاية " ولئن
ينصركم الله فلا غالب لكم " هالبسك طرحه
يامفتاح ، ها خليك تعمل حلاوه ياوله ، هاسميك
هنومه ، أديك حفرت الحفرة ، وأديك وقعت فيها
(يحضر مرآة بعد أن انتهى من مكبجة عبده) بص
لروحك في المرايا ، بص كويس أمال ، مين فينا
المره دلوقتى ياست الستات ياكامله .

إظلام

الفصل الثاني

المشهد الأول

(نفس المنظر السابق... إضاءة على إنشراح وخفه وحكاية وهديه
جالسات ومنتشحات بالأسود فيما عدا الطفلة تحفة)

إنشراح: الله يرحمه ، ما كانش مكتوبله يريح حد أبداً .
هدية: لافي حياته ولا في مماته .
حكاية: بس الحق والمستحق يخلينا نرد الفضل لصحابه.
هدية: قصدك أيه يا حكاية؟
حكاية: ما أقصدتش حاجه وحشه والله ما تظنيش .
هدية: لأه بقى ، أظن وأظن وأظن ، قصدك أني جبت أجله
موش كده؟
إنشراح: بس يابت منك ليها ، إحنا في أيه والا أيه ، موش
نرسي على بر الأول ونعرف مخبي الفلوس فين !!

- تحفة:** أمى إنشراح .
- إنشراح:** عينين أمك يا حبيبتي .
- تحفة:** عاوز أقولك كلمتين .
- إنشراح:** قولى يا نور العين .
- تحفة:** مشتاقه لصدرك والقعدة جنبك ، الايد تططب ،
والنظرة تكتب الصبر طيب وأطير معاكي في دنيا
تانيه ، مفيهاش قسيه ولا حد يكذب ، تعلميني أعد
وأكتب وزى عميا ، على حرف حرف ، تأخدى
بأيدي وتمريها ، تنطق بحبك .
- إنشراح:** دا أنا اللي بحبك وأموت فيكى (مخضنها وتقبلها)
تعالى في حضنى يا حبيبتي ، غصبن عنى والله
العظيم سهيت عن عمرى ، انتى عمرى .
- حكاية:** هيه ماسكه في ديك على طول ؟ تكونيش خلفتها
ونستياها؟!
- إنشراح:** بس يا مزغوده في قلبك ، دا أنا ربنا ها يمد في
أجلى علشانها .
- هدية:** (هامسه لإنشراح) بنتك بتغير عليكى ياأبله
البت دى فيها حاجة لله يا حكاية يا بنتى، عبده
- إنشراح:** طب ساكت من طوله قدامها ، وما قدرش يأذى

واحدة فينا لوحد حكى لى ما أصدقش اه ، بس
شفت بعنيا ، ربنا يحرسها ويصونها (بفتح الباب
الخارجى ويدخل مفتاح مصطحباً أحد المشايخ) .

مفتاح: أتفضل يا مولانا البيت بيتك ، إحم إحم .

الشيخ: ياساتر أستر يارب السلام عليكم ورحمة الله
وبركاته .

الجميع: وعليكم السلام ورحمته وبركاته .

مفتاح: الشيخ أقصد مولانا ، هو اللى ها ينور لنا طريقنا
ويدلنا الفلوس فين .

الشيخ: كله من عنده ، كله من عنده ، حى .

هدية: وعلى كده ها يفتح المنديل والاهما يقرأ الفرجان .

حكاية: ومين سمعك ، شكله لاله في العير ولا في النفير .

مفتاح: (لهديه) إسمعى يابت أنتى ، مالكيش دعوه بينا

اللى كان بينا وبينك راح وأندفن ياللا أنصرفى .

هدية: أنصرف وماله ، بس أدينى حقى الشرعى ،

التمن في كل حاجة ، ولو ما تعرفشى خلى مولانا

ومولاك يفطمك ويرسيك على المرسى .

الشيخ: ما أسم الدفين أن شاء الله .

حكاية: إحنا في حيص بيص يامولانا والبركة في

حكاية: (لهدايه) الظاهر بتاع تحضير أرواح .
هدية: (هامسه لحكاية) يبقى ناوى يحضر روح كاريوكا.
إنشراح: وبعدين في الفرقلة اللي شغالة عمال علي بطل دي .

إنشراح: ثم عليكم بشيء من قطر المتوفى بإذن الله تعالى،
ويستحسن في مثل هذه الأمور ، الأظفار جمع
ظفر أو خصلة من الشعر ، فإن لم يتيسر فبعض
من ملابس الفقيد لم يطالها الغسيل أو الكي ، على
أن تكون رائحة المرحوم كامنة ونفاذه فيها ومن
خلالها .

حكاية: بارك الله فيك ، ريحت قلبنا ربنا يريح قلبك ، أصل
المرحوم كان بيستحمى بالتيله ، وريحته معبقة
البيت كله موش هدومه وبس (أثناء ذلك تذهب
حكاية وتحضر ملابس عبده) .

هدية: بس للحق ، معايا كان بيستحمى كل ساعه
والتانيه أه .

مفتاح: لحد ما قصفتي عمره ، داهيه تقصف عمرك .
هدية: داهيه تقصف عمر اللي يجيى عليا ، وعاوز ياكل
حقى ، ويطلعنى من المولد بلا حمص .

- مفتاح:** ها جيبك قرطاس بحاله .
- هدية:** وعلى أية ما أنت واقف قدامى وفاضى ، شوف بقى اللى يملك .
- إنشراح:** ما تضيعش وقتك يا مفتاح ، أجرى هات كمنجاتى وناياتى من على قهوة الألاتيه .
- مفتاح:** هو كل حاجه مفتاح مفتاح ، مفيش غيرى يعنى ؟
- إنشراح:** معلش يا حبيبي ، ما أنت راجل البيت دلوقتى ، وأهوه كله علشانك برضه .
- مفتاح:** عثمان ياكل بتنجان (يخرج) .
- إنشراح:** نريد من بينكم وسيطاً على أن يكون صاحب روح شفافه تأنس إليها الروح وتطمئن .
- هدية:** أنا يامولانا بشف وأرف ومفيش أطيب ولا أحن منى .
- حكاية:** وبكده نضمن إن الأرواح اللى ماتت ونفسها تتجوز تسكن بيتنا وما تنصرفش .
- هدية:** القبيحة ست أخواتها ياحكاية .
- حكاية:** واللى إختشوا ماتوا ياحبيبتى .
- إنشراح:** ما اسخم من ستى إلا سيدى ، بتتناقروا على أية؟ اكفوا على الخبر ماجور ، هو الهوا موش جه معاكو إنتو الجوز سوا؟!

تحفة: (في وراء ظهر إنشراح) لا تعيرنى ولا أعيرك ، اللهم
طايلى وطايلىك .

إنشراح: يسلم بقك ياتحفه ، هيه دى يامولانا اللى قلبها
يساع كل الدينا وعقلها ما بي فكرش إلا فى الخير
وبس .

الشيخ: بالفعل ، هذه الفتاه الصغيرة (مشيراً الى تحفه)
هى ممن يتوافر فيهم الشرط المطلوب للوساطة
الروحية ، فهى لم تبلغ الحلم بعد ، ولسانها لم
يغادر نقائها .

إنشراح: بس دى أمانه فى رقبتي ، أودى وشى من أبوها
فين لو لبستها روح كده والا كده؟

حكاية: هوه أحنا كده دونا عن الخلق نجى قدام المصلحة
ونلف وندخل فى حته ضلمه وشارع سد .

إنشراح: سد يقع عليكى وضلمه تبلعك فى بطنها يا بعيده .

هدية: (هامسه لإنشراح) موش شايفه الا مصلحتها
وبس يا أبله .

حكاية: والنبي لا نسل الشبشب على دماغك ، سمعيني
بتقولى أيه وبتسووسى فى (نخلع شبشبها
وتتجه لهدية) يا لحمه شغته ومدهننه، ياتربيه

- الزريبه ، ياللى تتمضفى وما تتبلعيش يا هديه .
- هدية:** طب اعملها يا شوال الجبس ، يا جير ع الحيطان . يا وليه متنكسه وبكره تقع والا يجيلك م المحافظة قرار إزالة يا حكاية .
- الشيخ:** اهدأن ، وأمسكن اعصابكن، لا يمكن وغير مستحب أن تستدعى الروح في خضم وصلات الردح من المنقى خيار .
- حكاية:** هيه يا مولانا والا أنت موش شايف .
- هدية:** والله العظيم يا مولانا كدابه ، دا أنت حتى سمعت بودانك .
- تحفة:** (من خلف ذيل إنشراح) حاسب يا مولانا من كهن النسوان .
- حكاية:** إيه يابت اللي بتقوليه ده ؟
- هدية:** وجبتى الكلمة دى منين؟
- إنشراح:** لى تعابينك إنتى وهيه ، وما تفزوش في البت والا عشان كلامها رشق .
- تحفة:** معلىش ياماما إنشراح ، اصلهم واخذنى قناة السويس يعدوا يوصلوا للبر التانى عند مولانا ، هيه زغلة عيون موش أكثر (للشيخ) أصلك حليوه وطول بعرض استحمل بقى .

حكاية: شايفه اللي بتحاميلها يامه، سايبه بت لا طلعت ولا
نزلت تلتطتش فيا؟!

هدية: ومين سمعك يا حبيبتى، قال على رأي المثل، البيت
بيت أبونا ييجوا الغرب يهزأونا .

حكاية: حبيبتى يا هديه.

هدية: في حضنى يا حكاية (تتعانقان)

تحفة: ألحقى يا ماما الكهن رايح يمة المحن .

إنشراح: خليهم يعملوا ما بدالهم، القربه المخرومة بتخر
على صاحبها.

حكاية: (لهديه) شيلي القربه انتى يا هديه .

هدية: لأ أنتى يا حكاية.

حكاية: أنا ياختى لسه مادخلتش دنيا.

هدية: طب عشان خاطر شيلي القربه أنتى.

حكاية: جبر الخواطر على الله.

الشخبخ: يا ألهى، هل أصبحت أنا فجأة أمثلة من الأمثال.

إنشراح: محدش جاب سيرتك يا خويا، والا يكونش رمى
جتت، باينى كده رمى جتت .

الشخبخ: (مستمراً) أنا لا أقبل إطلاقاً أن أوصف بالقرباء

ولا حتى السليمة منها فما بالكم بالمخرومه، هذا

إذا كانت مخرومة بالفعل وهي ليست كذلك، ومعنى ما يثبت.

هدية: ورينا الأثبات (بهمس)
حكاية: أه نشوف بعيننا الدليل (هامسة أيضاً)
الشيخ: أنا في ساعات العمل الآن، ولا يجوز ولا يصح مع العمل أى شئ آخر، هكذا تعلمت وهكذا رببت منذ نعومة أظافرى.

حكاية: شكك ما لكش ضوافر.
هدية: ولا بتعض .

إنشراح: إنتو بتتوشوشو بتقولوا إيه انتو الثلاثة ؟
الشيخ: (مستمراً في الهمس) استطيع أن أعض خمسة مرات في اليوم الواحد (يمارس فعل العضم في الهواء).

هدية: يبقى مركب طقم سنان.
حكاية: والا زارع سنان صناعيه.
هدية: عمرك كام سنة؟
حكاية: طولك كام سنتى؟
هدية: مقاس رجلك قد أيه؟
الشيخ: وما دخل مقاس القدم فيما نحن فيه؟

- حكاية:** راحه الجسم تبدأ من القدمين، والا ما سمعتش.
- الشيخ:** أه تضربن في الصخر، ولكن هيهات، فأنا من أنا، وتحت جلدى الناعم تنين جائع لكل الأزمان والألوان والأصناف.
- هدية:** ما تاخذش الموضوع على صدرك، ما نقصدش أى حاجة وحشه.
- حكاية:** كنا بس عاوزين نضمن تقدر والا ما تقدرش.
- الشيخ:** على ماذا؟
- حكاية:** الكنز، الفلوس، هاتلاقيها والا موش هاتلاقيها.
- هدية:** هوا ده القصد والنيه، والا أنت مخك راح لبعيد (بدخل مفتاح ومعه الكهنجاتي والناياتي)
- مفتاح:** عترت عليهم بالتيله كمنجاتى وناياتى، فيه طلبات تانيه؟
- الشيخ:** طست كبير، على أن يملأ تلتة بالماء الذى هو ليس ببارد وليس بساخن.
- حكاية:** (تجرى لتحضر طست الغسيل) الشطت أهوه .
- هدية:** والميه الفاتره جاهزه.
- الشيخ:** توضع ملابس المدعو عبده على صفحة الماء عائمة لا غاطسه.

- مفتاح:** طلباتك مجابه يا مولانا .
- الشيخ:** على الفتاة الصغيرة تحفه، أن تدفن هذه البذرة في الأرض، ثم تضع أذننها اليمنى عليها، فإذا ما سمعت نبضها، تقوم من فورها بوضع ابهامها في الماء.
- إنشراح:** أيه ها نحفر في البيت كمان .
- الشيخ:** فلنزرع بلاطة، ونضع بدلاً منها حفنة من الطين
- إنشراح:** إن جات على الطين، مفيش أكثر منه في الشوارع، ياللا مفتاح شوف شغلك .
- مفتاح:** طبعا ما أنا راجل البيت دلوقتي، مالكوش غيري لحد أخرة الروايه اللي موش عاوزه تخلص .
- هدية:** خلاص يا مفتاح خلى الطين عليا (تخرج)
- مفتاح:** ما هو عليكى من زمان يام التوهة.
- الشيخ:** على الجميع أن يقفوا على بعد مترين من الطست في نصف دائرة (ينفذ الجميع وتدخل هديه)
- هدية:** الطين أهوه ، يارب تبارك وتزيده.
- الشيخ:** عجلى يا تحفه يا بنيتى، فالوقت يداهمنا ولا ينبغى أن يطلع علينا الفجر (تنفذ تحفه ما طلبه منها الشيخ) مستعدون؟!!

الجميع: مستعدون.

الشيخ: فلنغمض الأعين ولنذع كل حواسنا في أذاننا
ولتنطلق أرواحنا في أرجاء المكان متخطية
حواجز الحاضر، سابحة في ملكوته عز وجل،
الجلال لك يا الله يا قادر في ساعتك غير المحدوده
مثل ساعتنا، أنت القهار رب الأبدية، خالق
اللانهايه، أه، نسيت أن أخبركم أنى اتقاضى في
الساعة الواحده خمسمائة جنيه، وبقي لى معكم
ثلاث ساعات، أى أن المجموع ألف وخمسمائة
جنيه، ولا أقبل الشيكات أو وصولات الأمانة.

مفتاح: طب نخلص شغلنا الأول.

الشيخ: لا يا خفيف، لقد لدغت من هذا الجحر مرات .

إنشراح: هانيدك ثلاث آلاف، بس نلاقى الفلوس.

الشيخ: ياست الحاجة أنا لا أغير نظامي البته.

هدية: بصريح العبارة معناش فلوس.

حكاية: ومع كده تاهت ولقيناها ،ها نديك بالألف

وخمسميت جنيه جبس، أيه قولك بقى؟

الشيخ: (مفكراً) أمم بالثلاثة آلاف يا بنيتى ، ألم تسمعى

الست الحاجة والدتك، ألم نقل منذ البدء إصيخوا

السمع وأغلقوا قباب الأعين.

مفتاح:

يا مولانا غمضنا وطرقتنا خش على المفيد.

الشيخ:

على الكمنجاتى والناياتى أن يعزفا أغنية الدنيا

ريشه في هواء للمدعو سعد عبد الوهاب، كوسيلة

ناجحه جربت من قبل ومن بعد لإغواء الروح على

النزول من عالمها غير المادى الى عالمنا المحسوس

والملموس والمسوك، وعلى الجميع الموجودين،

أن يرددوا المقطع الأول من الأغنية السالفة الذكر،

ثلاثة مرات متدرجين في السرعة، أى من البطئ

الى المتوسط الى السريع، اتفقنا.

الجميع اتفقنا .

الشيخ:

توكلنا على الله (بنفذ الجميع ما سبق وطلبه

الشيخ) الجلال لك يا من تستقر فوق العدل

والحق، يا من تركب السماوات واعدائك

يتهاوون، لتضمن للمدعو عبده طريقا ،عسى أن

يعبر عليه في سلام، لأن طلب ذويه حق وعدل

ولم ينطقوا بالكاذيب ولا أرتكبوا خداع ،عسى

أن تتجدد أطراف جسد عبدك عبده ثانية، فإجعله

ينظر بقوتك، وينطق بقوتك، ويقف بقوتك ،وأدخله

وأخرجه من غير بوابه.

نحفنة: (بصوت معدنى عبر البلاى باك) أه أه أه، مرجى
ايتها الروح انتى القوة العظيمة، أنى هنا لقد أتيتى
وأنا أنتظرك، زورق انتى فى البحيرة ،جدفى،
جدفى

مفتاح: ابدينا التخريف ، أيه نجدف دى ؟

نحفنة: (بصوت معدنى مصحوب بصدى صوت) زورق
انتى فى البحيرة، جدفى قلت لك جدفى، جدفوا
انتم أيضاً (بغضب)

مفتاح: أدفوا يا أخوانا، أدف معانا يامولانا (الجميع
يجدفون)

الشيخ: نحن لسنا فى زورق، ويهينى لى أنكم ستركبون
الهواء ياسادة.

نحفنة: (تقوم من مكانها وتتجه الى الشيخ) أيتها الروح،
زورق أنتى فى البحيرة جدفى ، قلت لك جدفى ،
أننى أمرك.

الشيخ: حاضر حاضر، البت خرجت عن النص يا أخوان.

نحفنة: (نعود الى مكانها السابق) الضوء القرمزى يحيط
بك، أن ملايين السنين تمتد كلها من جسدك، أنى
أراكى ، رغم أننى مغمضمة العينين.

الشيخ:

انا ماليش دعوه بالحاصل دوه ، انا موش مسئول
، البت لبسها جان (اصوات انفجارات مع اضاءات
واظلامات) الحق ، انقد بجلدك يا مؤمن (ينبطح
على الارض ويهتز جسده بعنف) لا حول و لا قوة
الا بالله ، لا حول ولا قوة الا بالله

تحفة:

(من خلال نفس الصوت المعدنى المصحوب بصدى
الصوت) أيتها الروح ، زورق انتى فى البحيره
جدفى ، جدفى ، حتماً ستلمسين بقدمك رمال
الشاطىء.

مفتاح:

(وهو منبطح على الارض كما الجميع. زورق بحيره ،
باين كده و الله وأعلم انها روح صياد يا مولانا)

الشيخ:

صياد ورحت و روحت اصطاد صادونى ، يهيبى
لى انى فى بطن الحوت ، لقد ابتلعت و انتهى امرى
(انفجارات قويه و دخان كثيف .. يختفى الشيخ و
يظهر رمسيس بهيئة فى الرامسيوم، تلك اللوحة
التي تسجل انتصاراته على الحثيين) رمسيس على
عجلته الحربيه، فضلا عن شبهه الكامل لعبده
،ولكن يلاحظ انه طاعن فى السن، و كأنه يتوه
داخل بزته العسكريه، و منحنى الظهر مقوسه)

- تحفة:** اكشفي وشك ايتها الروح .
- رمسيس:** طول عمري وشي مكشوف .
- تحفة:** طيب ، مين انتي ؟
- رمسيس:** (مترقصاً) انا 67 ، انا ، انا ، انا ، انا 67 .
- مفتاح:** باين كده انه نازل ديجيتال بس موديل قديم .
- هدية:** فتشه يا مفتاح يمكن تلاقي الكتالوج معاه .
- حكاية:** أيوه ، من غير الكتالوج موش هانعرف نفك الشفره .
- إنشراح:** دا الخالق الناطق عبده يا ولاد .
- مفتاح:** ياما هوا ده وقت هزار .
- إنشراح:** هيه جات عليا و كلامي وقف في زورك ، وبعدين ما تبص وتشوف ، ده عبده ده و لاموش عبده
- حكاية:** سبحان الله فوله و اتقسمت نصين .
- تحفة:** إسمك ايه ايتها الروح ؟
- رمسيس:** و سر ماعت رع ، سبت ان رع .
- تحفة:** يعنى ايه .
- رمسيس:** المختار من رع .
- إنشراح:** ياخويا غلبتنا ، قول انت مين وخلصنا
- رمسيس:** أنا أنا ، انا 67 .
- المجموعة:** الظاهر ان الطوبه جات في المعطوبه و انك ابن

ستين فى سبعين. رمسيس : موش للدرجه ،
الحكاية و مافيه انى فرحان .

المجموعة: فرحان ليه ؟

رمسيس: لانى ضربت الارقام القياسيه، و حكمتكو من
السنين سبعة و ستين.

المجموعة: هيه فزوره نحلها، قول انت مين ، طلعت روحنا.

رمسيس: انا ؟

المجموعة: هااه.

رمسيس: انا .

المجموعة: تف. من بقك.

رمسيس: رمسيس الثانى .

تحفة: (بالصوت المعدنى) جاى منين و رايح على فين؟

رمسيس: انا كنت رايح اقف على الميزان .

المجموعة: عاوز تتوزن ؟

رمسيس: لا، ابدأ ، كنت رايح اتحاسب ،الميزان كان خلاص

قدامى، و يا دوب قبلى عشره مليون بس، و كات

ركبى سايبه و مناخيرى بتخر و عنيا بتسح دموع

و حالى حال ، و فجاه.

المجموعة: تاتاتا.

رمسيس: لقيت نفسي باتشفت و بألف في دواير دواير ، و يمكن دوه لحكمه عاوزها رع ، ان شعبي يشوف من تاني انتصاراتي مليه حياتي ، وطني بيكبر و بيتمدد ، ياللا يا مهزومين ، قدموا فروض الولاء و الطاعة للفراعين أهمة .

تحفة: (بالصوت المعدني) كداب كداب، كذب الكذبة، وصدقها وعاش جواها بس الرسم غير الكسم، عاوزين تشوفوا الحقيقة أهيه (يقوم الأسرى حاملين سيوفهم وبالتصوير البطيء، لنشاهد معركة حقيقية، يكاد الحيثيون فيها يقتلون رمسيس، فينقذه حراسه بجهد جهيد ... ويقفز رمسيس من على عجلته الحربية، ويذهب لتحفة التي تقاومه، ولكنه يحملها فتعاود الصورة التي ظهر عليها رمسيس الظهور، وهي لوحة الرامسيوم يلاحظ أنها كانت لاتزال تضع إبهامها علي صفحة مياه الطست)

رمسيس: (وهو يحمل تحفه من على الطست الذي وضعت إبهامها في مياهه ويضعها على الأرض) ان خس رسمي كفايه كسمى ، وان خس كسمى، كفايه رسمي، وأن خسوا الأثنين، كفايه دعا الوالدين .

- تحفة:** سيبنى ياكداب ياللى ها تخش النار .
- رمسيس:** كده اتقطع الإرسال مع الآخره ،وحوش (بنهض
الاسرى والحراس المنتحفين بعريه رمسيس، وفى
أباديهم الكرابيج)
- حراس:** (لرمسيس) بابا (بيدأون فى استخدام الكرابيج
تحت أقدام أصحاب المنزل)
- رمسيس:** لأ لأ لأ محدش يهين شعبي ولا يضربه، دول
وحشونى قوى، وهما عاوزينى احكمهم كمان
خمسين.
- حكاية:** يخرب بيتك ما شبعتش .
- رمسيس:** (يقرب من حكاية مشدوها) مين يلاقي الدلع
وما يدلعش، موش معقول العين هيه هيه، والبوق
هوه هوه، أنتى هيه وهيه انتى، أخ خ راسى بقره
،راس بقره.
- إنشراح:** أيه يا أخينا ما تقف على بعضك وتمسك روحك .
- رمسيس:** رع يكفيكى شر الرقده ياست .
- إنشراح:** أيه كفى الله الشر، مالك يا ضنايا ؟
- مفتاح:** أهلا، قوامك، وبقى ضناها.
- هدية:** الحق انت وفوق لنفسك، الراجل عينه من أختك،

والا عشان الفلوس ها تطرمخ وتعمل موش
واخذ بالك.

مفتاح: (لرمسيس) مالك ياعم الحاج .

رمسيس: (غاضباً) كله الاحاج دى، لأه ما هو ما تهنيش

ما تهنش فرعونك وفرعون كل المصريين، والا
شايفنى بدقن وجلابيه بيضه وزبيبه، أسمع أنا
صايح آخره، وشايفنكو وعارفين الحجاج كويس
أوى، كלה الاحاج دى، والاهما تشوفوا وش تانى،
وأبقوا قابلونى لو قتلكو فلوس أبوكو مخبيها
فين.

هدية: كمان عارف عبده؟

حكاية: تعرف أبويا صحيح ياعم رمسيس، ما تأخذنيش
يا فرعون والنبي ما أقصد.

رمسيس: أنتى تفردى لسانك وتقولى ما بدالك، الأخ راس
بقره.

حكاية: ياما الراجل نازل من الأخرة وبيتوحم على لحمه
راس.

رمسيس: موش معقوله هيه أنتى وانتى هيه .

مفتاح: إيه حيلك حيلك، داخل في البت شمال ولا كأن
ليها أهل، صحيح قالوا لفرعون ايش فرعنك .

- رمسيس:** قال ما لقتش حد يلمنى ، أنا اللي الفت المثل ده .
- مفتاح:** لأطبعا دا الشعب هو اللي ألفه .
- رمسيس:** شعب مين ما تبقاش مغفل ، هو يقدر يستجري ، أنا اللي كنت بألف الأمثال دي ، وبعدين أنزلها السوق وأجريها على السنه العامة والسوقه والدهماء وأهوه يبقوا انتقموا منى باللسان موش بالرجلين ولا الايدين ، وفي الآخر كله يجيى مبسوط زى ما بيقول الخواجه الجريجي .
- هدية:** يخرب بيتك دا أنت عارف كل حاجه .
- رمسيس:** الاخره ياما بتلم يا أسمك ايه .
- حكاية:** الا انت بقك و ارم ليه يا عم رمسيس .
- رمسيس:** أصل جاني فيروس فى الثه بعيد عنك .
- هدية:** أمال كت بتبوس ازاي .
- إنشراح:** بس يا بت بلاش قلّه حيا .
- رمسيس:** (مستهراً) ما كانش على وقتنا الإختراع ده .
- حكاية:** بتسمى البوس اختراع يارمس .
- رمسيس:** الناس كانت عفيه ، معندهاش وقت تضيعه فى البوس و الكلام الفاضى .
- هدية:** ما اقدرش يا خويا أهاجر عندكو و اخذ الجنسيه .

- رہسبیس:** رع یاخذك .
- إنشراح:** انتو قاعدین تتسایروا و سایبین البت تحفه
مفرفره ؟! اقوم خدها یا مفتاح ونیمها علی
السریر، و شممها كالونیا ،دا انتومعندكوش
ریحة الدم صحیح (بنفذ مفتاح) و بعدین هوا
راح فین المنیل علی عینه مولاك .
- حكاية:** طبعا، مافص ملح و داب .
- رہسبیس:** دا نصاب قراری .
- مفتاح:** انت اللی بتقول كده ؟
- رہسبیس:** ومستغرب لیه ؟
- مفتاح:** موش هوا السبب فی انك معانا هنا و الا ایه ؟
- رہسبیس:** بتیجی مع العمی طبات .
- حكاية:** یعنی ایه ، الفلوس موش جایه ولا هانلاقیها ؟
- رہسبیس:** مین اللی قال كده ، حد جاب سیرة الفلوس ،
بعون رع ها تتغنغفوا .
- إنشراح:** ربنا یباركك یا بنی ، العیال عاوزین یشوفوا
مستقبلهم .
- رہسبیس:** عیالك فی عینیا اللی أكلهم الدود ، بس .
- هدية:** مفیهاش بس .

- رہسبیس:** لا فیہا ، وما تخلونیش أزل و اکتب .
- مفتاح:** ولا تزعل نفسک ، بس ایہ ؟!
- رہسبیس:** بس ما أعرفش أشوف شغلی فی الزحمہ دی ،
عاوز نفس ، نسمة علیہ تطری علی قلبی عشان
أعرف أفکر ، والفلوس تطلع وتقب .
- إنشراح:** یاریت یابنی کان فیہ مکان تانی ، کنا سیبناک
لوحدک معزز مکرم ، لکن ملحوقہ والبرکہ فیک ،
بکرہ ببقی عندنا بدل المطرح أتین وتلاتہ .
- رہسبیس:** (**مسکا برفبتہ**) نفسی ، ها اتخفق ، أنکشحو برہ
سیبونا لوحدنا .
- مفتاح:** لوحدکو مین ؟
- رہسبیس:** أنا وحکایہ .
- ہدیہ:** لیہ بقی إن شاء اللہ ؟
- حکایہ:** ہیہ غیرہ بقی والا غیرہ .
- إنشراح:** طب موش نعرف لیہ الأول یاسی الأستاذ ؟
- رہسبیس:** حاج ، أستاذ ، أنا ابتهدلت أخر بهدلہ ، وبعدین
انتو خایفین من ایہ ، دا أنا جد جد جد جدها .
- إنشراح:** طب عاوزها لوحدها معاک لیہ ؟
- مفتاح:** آیوہ ، أحنا ما عندناش بنات تعقد مع رجالہ
لوحدیہا .

رمسيس: أمال كنت فين يا غندور لما كان سمير تحت السرير.

حكاية: يخرب بيتك حتى دى عارفها .

رمسيس: أنتم شعبي ولازم أعرف عنكو كل صغيره وكبيره، ياللا بقى ما تعطلوناش، خلونا نشوف شغلنا ونعرف عبده مخبي الفلوس فين.

هدية: أنت ها تاكل بعقلنا حلاوه .

رمسيس: لأ لأ ، بلاش السكه البلدى دهيه ، أه ، أنا لا هاكل بعقلكو ولا بأى حته تانيه في جسمكو، مهما كانت طريه وملظظه ومدملكه ومغريه وأخر شربتات على حلويات، أنا راجل عيني مليانه وشففت من الحريم أشكال وألوان سرائر وحرائر، يعنى موش طالبه معايا أساسا، وبعدين أنا طلعت نزلت، راجل أخره موش راجل دينا .

إنشراح: ريحت قلبي يريح قلبك.

مفتاح: (لنفسه) قوامك طواكي تحت باطه .

هدية: لأ وأنت الصادق ،دوبها في كوبايه ميه وشربها شفته شفته .

حكاية: يا للا فارقونا خلونا نجيب القرشين ، يا بي مالكو

متبتين كده زى العمل الرضى ، هيه فته ها نفتها ،
والا طبق ها نمد أيدينا ونغمس فيه ، ماكل حتى
يلم نفسه ويفقل بقة على لسانه اللي عاوز قطعه ،
وأوعوا حد فيكو بصور له نفوخه ، أنه ماسك
عليا زله ، لأ يا حبيبي (مفتاح) وأنتى يا حبيبتي ،
(الهديه) من كان منكم بلا خطيئه فليرمها
بحجر ، وأنا ملحقتش الخطيئه ، حتى دى فاتتنى
وراحت لحال سبيلها ، ياللا (تصفق بيديها)
خلاص جيرنا ، روحوا بقى لحال سبيلكو وخلصونا
نشوف شمس بكره .

إنشراح:

خلاص يا اولاد خلوها تشوف شمس بكره ، وأهوه
برضه أحنا أكيد ها نشوف معاها ، موش كده
برضه؟

هدية:

لأ وانتى الصادقه الفلوس بتغير النفوس .

مفتاح:

قصدك ايه يابت ؟

هدية:

ما قصدش يا خويا ، ياللا نلبس النضاره السوده .

إنشراح:

وها تسوديهها ليه يا هديه؟

هدية:

ما تدقيش يا أبله ، أنا بس خوفي إن شمس بكره

تبقى حاميه ، تغشى العيون ، ياللا بينا (يخرجون)

حكاية: (وهي تنظر لرمسيس) هو أحنأ كده يا مصريين ، كل واحد عاوز يسجل بنط على أخوه والابن عمه والجاره والابن كين كان ، ما يببصش لروحه في المرايا اللي بتكشف نيته ووشه المستخبين ورا عينيه ، وفي الآخر محدش فينا بيعيش الحياه، لكن من ساعة ما بنتولد لحد ما نموت، واحنا بنتجسس عليها.

رمسيس: (يأتى بحركات. كأن يضم ركبتيه الى بعضهما البعض، ويمسك بأصابع يديه علامة على الخجل)

حكاية: هو آيه ياختى ده ؟

رمسيس: راس بقره.

حكاية: لآما تقلش أدبك ، بلا رمسيس بلا خوفو بالصرمه القديمه يا معفن (تخلع شبشبها)

حكاية: ها نستعبط؟

رمسيس: راس بقره عندنا بالهيروغليفى يعنى ... (يبدأ في ضم ركبتيه مرة أخرى ، أحدهما الى الأخرى، ويمسك بأصابع يديه علامة على الخجل)

حكاية: إنطق ، علتنى .

رمسيس: يعنى بحبك .

- حكاية:** وأخرته إيه حبك ، ها صرفه منين؟
- رهسيس:** ها أبنيك مقبره ، محدش بناها لا من قبل ولا من بعد ، مقبره محدش شاف زيها ، ها تخلى نفرتارتى تولع منك.
- حكاية:** وها نعمل إيه جوه المقبرة؟
- رهسيس:** ها نستنى .
- حكاية:** ها نستنى مين؟
- رهسيس:** مفيهاش مين ، هوا فيه غيره.
- حكاية:** قول يا خنقه.
- رهسيس:** فرج رع طبعا.
- حكاية:** وبعد لما يجينا فرج رع ، أيه اللي ها يحصل؟
- رهسيس:** ندخل الجنه وندوس في النعيم.
- حكاية:** طب افرض ما دخلناش؟
- رهسيس:** مين ده اللي ما يدخلهاش ، إنتى باين عليكى من استراليا.
- حكاية:** وأييه اللي مطمئتك أوى كده؟
- رهسيس:** فيكى مين يكتم السر.
- حكاية:** في بير .
- رهسيس:** (يخرج من ناحية القلب جعران) السر في الجعران.

- حكاية:** أنت ها تسرسبلى نقطه نقطه ما تكرر البكره .
- رمسيس:** (وهو يتكلم بسرعه شديده) الجعران يتحط على قلب الميت ، يقوم قلب الميت في لحظة الحساب ينطق بالحسنات وينكر السيئات.
- حكاية:** وبكده كله يدخل الجنه .
- رمسيس:** وفي الجنه هاوريكى رمسيس ورجوله رمسيس وقوة ميت حصان.
- حكاية:** هو أيه أصله دوه.
- رمسيس:** ايه؟
- حكاية:** جاتك أوى ، هو لازم أموت عشان جمسى يشتغل وفي الآخره؟!
- رمسيس:** أحلى آخره وها أوريكى.
- حكاية:** بقى رمسيس بجلالة قدره ما يقدرش يضبطلى مفاتيحى.
- رمسيس:** اللى قدامك دوه هوا ، ما يغوركيش المنظر ، حتى إيدك في صدرى ها تلاقىها طلعت من ضهرى.
- حكاية:** يارب تموت .
- رمسيس:** لأ وأنتى الصادقه ، يارب تموتى أنتى.
- حكاية:** ما أنا ميته بالحياه أهوه.

- رہسبیس: لہم تموتی بحق وحقیقی ، کل مشاکلک تتحل صدقینى .
- حکایہ: وایہ اللى یضمنلى انى أتظبط هناك ؟
- رہسبیس: إنتى ها تکفرى یا حکایہ .
- حکایہ: أكفر بيمين یا لادع .
- رہسبیس: هو افيہ غيرہ ، رع طبعاً .
- حکایہ: دا إنت عا النار حدف یا بن المجنونہ .
- رہسبیس: ما تشتمنىش ، بتأذى .
- حکایہ: ما هو أنت تفرس .
- رہسبیس: ليه بس ؟
- حکایہ: يعنى عارف كل حاجة وما تعرفشى ربنا ؟!
- رہسبیس: خليكى مع رع وأنتى تكسبى .
- حکایہ: خليك إنت مع الله وأعمل الطيب .
- رہسبیس: كده موش ها نتفق .
- حکایہ: ان شا الله عننا ما أتفقنا .
- رہسبیس: وتضيعى الفلوس عليكو !!
- حکایہ: وایش أخشش الفلوس دلوقتى ؟
- رہسبیس: دى سلسله ، كل حلقة لابسه في اللى قبلها واللى بعدها .

- حكاية:** والنبى ايه .
- رمسيس:** والنبى أه .
- حكاية:** يعنى عاوزنى أضحي عشان هما يعيشوا
ويتمرغوا في خير أبويا ، والنبى دا بعدك .
- رمسيس:** تضحي بنفسك ايه و كلام فارغ ايه، فضك بقى
من يوسف و هبى و امينه رزق و بصى لمصلحتك .
- حكاية:** انت كمان عارف يوسف بك و هبى و الست امينه ؟
- رمسيس:** عارف كل حاجه عنكو ، قولتك قبل كده انتم شعبي
انا مبهزرشى .
- حكاية:** يبقى تعرف ربنا .
- رمسيس:** رع .
- حكاية:** اشمعنى جاي في دى بالذات وبتقفش .
- رمسيس:** قلتك رع .
- حكاية:** لأه ، ربنا .
- رمسيس:** ما أقدرش أفرط في عقيدتي أبداً .
- حكاية:** وعاوزنى أنا اللي أفرط إن شاء الله .
- رمسيس:** المحتاجه
- حكاية:** بس ما تكلمش ، لحسن وإيمانات المسلمين أقطعك
لسانك راجل قليل الربايه و ماتخشيش صحيح .

رہسبیس: صعبانہ علیا (بیکری) جاہلہ ومغرورہ ، اللی فات

عارفینہ وخابرینہ ، شایفنے واحنا مدین ضھرنا

لہ وماشین لقدام ، فیہ امان اکثر من کدہ !؟

نعرف ایہ إحنا عن اللی جای ، مجهول ، ضلمہ

تبلعک فی بطنھا ، کلہ سمک فی میہ أوعی الحوت.

حکایہ: (نرتمی فی حوض رہسبیس) یا ماما

رہسبیس: بعد الموت خلود ونعیم ، فواکہ استوائیہ ومانجہ

عویس .

حکایہ: فیہ کیوی .

رہسبیس: فیہ کل حاجہ ، بس خشی الهرم وما تتربسیش

دماغک ، أنا راس بقرہ جدا جدا .

حکایہ: أنت قتللی راس بقرہ یعنی ایہ .

رہسبیس: یعنی بحبک بالهیروغلیفی .

حکایہ: بس أنت حبک ما یطمنش .

رہسبیس: أنا راجل کم طویل موش نص ، وما اسمحکیش

تشککی فی قدراتی ، دا عیب فی الذات الملكية،

یعنی جریمہ یعاقب علیھا القانون.

حکایہ: والنبی تتکفی علی بوزک ، روح اتعالج الأول قبل

ما تعاقب ، صحیح اللی إختشوا ماتوا یاناس،

الراجل عنده التهاب في المفاصل وخشونه في
الركب.

رهمسيس: لأ لأ لأ ، موش باين عليا خالص .

حكاية: دا غير ورم اللثة اللي أعترفت بيه من شويتين
في الحته دهيه ، يعنى يا عم الرئيس الحكايه دار
الفؤاد خالص ، أقولك لم عضمك في قفه وإرحل.

رهمسيس: يعنى إيه ؟

حكاية: إرحل يعنى تمشى والانت ما بتفهمشى .

رهمسيس: لأه أرفض بلأ بلاء وشمم ، أنا موش هوه ، أنا
صاحب موقعة قادش (بمجرد نطقه بقادش، يتحرك
الحراس بالأسرى الذين بضربونهم بالكرابيج،
ويحيطون برهمسيس وحكاية)

حكاية: يخرب بيوتكو، كلكووا شبه بعض عاوزين تاخدونا
في سكتكو ، لا يا عم الفرعون الرئيس، إحييني
النهارده وموتنى بكره.

رهمسيس: ما هو إحنا بكره (يضرب الحراس بكرابيجهم على
الأرض) والنهارده فات خلاص (يستنهر الحراس
في ضرب الكرابيج على الأرض) وإنتى كده وال
كده ميتة بالحياه (تستنهر الكرابيج) عندك أيه

تخسريه (أصوات الكرابيج على الأرض) موش
يمكن (يلف رمسيس ويمسك بحكاية من خلف
ظهرها) اللي بقولك عليه يعيشك ويهنك ويظبطلك
مفاتيك .

حكاية: أه ، حظيت إيدك عل الوتر اللي بيوجع .
رمسيس: (يلف ويصبح في مواجهة حكاية) حظي إيدك
في إيدى (يمد يده لحكاية) وكل رغباتك حا
تتحقق (تمد حكاية يدها وتسحبها) هاتى إيدك
ما تتردديش (تضع حكاية يدها في بد رمسيس ،
فيحدث إظلام ، ثم نرى رمسيس وقد أصبح وجها
عظيما ، ومن جوف عينيه ، يظهر ضوء أخضر
حاد ، ثم أظلام وعوده الى رمسيس الذى عهدناه في
المسرحية)

حكاية: إيه ده ، حاجه غريبه ، غريبه خالص .
رمسيس: حاسه بإيه .
حكاية: موش معقول ، أغرب من الخيال يارمس ، شكك
بقى شبه حسين فهمى
رمسيس: وإيه كمان .
حكاية: (تضع يدها على رأس رمسيس الصلعاء) وشعرك
بقى أصفر .

- رمسيس:** ولسه .
- حكاية:** والا عينيك ، لونها غريب وعجيب ، أخضر على أزرق ، يخرب بيت جمالك ، هات بوسه .
- رمسيس:** لأ حرام .
- حكاية:** أنا راس بقره أوى أوى أوى .
- رمسيس:** وأنا راس بقره أنا كمان ، بس حرام .
- حكاية:** (تطرح رمسيس أرضاً) حرام عليك إنت يا حسين ، الميه ما تفوتش على عطشان .
- رمسيس:** ما قلنا ندخل الهرم .
- حكاية:** وها نجيب الهرم منين دلوقتي يا بن فهمي .
- رمسيس:** يعنى تدخلى الهرم .
- حكاية:** أدخل أبوه ، بس بسرعه وحياء أمك ، بسرعه .
- رمسيس:** طب ياللا نحفر .
- حكاية:** فين؟
- رمسيس:** هنا ، أكيد أبوكى مخبى الفلوس تحت البلاطه ، المصريين دايمًا بيعملوا كده ، ومن ناتج الحفر نبنى هرمنا ، عشنا ، مملكتنا .
- حكاية:** أنت بتتكلم في أسابيع وأيام .
- رمسيس:** أنا عفريت ، جن ، قرد مسلسل ، ما يفر كيش المنظر ، هيه غمضه عين ، ياللا جربي .

- حكاية:** يعنى أغمض بجد.
- رمسيس:** جد الجد ، موش ها تندمى.
- حكاية:** أدينى غمضت (يظلم المسرح تماما) خلاص.
- رمسيس:** لسه.
- حكاية:** خلاص.
- رمسيس:** لسه.
- حكاية:** خلاص.
- رمسيس:** هووبه ، ياللا فتحى.
- حكاية:** يابن الجنيه ، دا أنت عفريت صحيح (جُد هرم وحفره)
- رمسيس:** ياللا ادخلي .
- حكاية:** سو كيتى كده.
- رمسيس:** شبيكي لبيكي رمسيس وملك إيديكي.
- حكاية:** زفه فرعونى والا أقل منها .
- رمسيس:** فشر ، دا الأخيره تحلا ولو كانت وحله (بصرخ فى الحراس والأسرى) طلباتك أوامر (يصفق ... تبدأ رقصه تنتهى بقداس جنائزى ، يمر عبر طريق كباش، يتم ترتيبه من قبل الحراس والأسرى أمام المتفرجين حتى مدخل الهرم)

حكاية: (أمام مدخل الهرم) بس ما طلعتاش الفلوس .
رمسيس: فاضل بس يمدوا إيديهم ويكبشوا، ما تنشغليش
بغير الهرم (يدفعها فتدخل حكاية وورائها ومن
رمسيس: ورائه الحراس والأسرى ويفلق باب الهرم في النهاية)
حكاية: (من داخل الهرم نسمع خبطات) الحقنى يامه
الحقنى يا مفتاح ، الحقونى كلكم ، أنا باتبع (إظلام
ثم أصوات سرينه النجده)

إظلام

FARES_MASRY
www.ibtesama.com
منتديات مجلة الإبتسامة

المشهد الثاني

(يضاء المسرح على فريق من رجال المطافى و رجال الاسعاف، يحملون نقالة فارغة و هناك خراطيم مياة ممتدة على خشبة المسرح ، و رجال المطافىء يحملون المعاول فى محاولة لاجراج حكاية من داخل الهرم، كل هؤلاء يتحركون فى خلفية المسرح بالحركة البطيئة فقط وعندما ينتقل الحوار اليهم، يتحركون حركتهم العادية ... تبدوا انشراح جالسة تحمل خفة على كتفها، و حولها مفتاح و هدية).

إنشراح: انا عارفة مين الى كان شار علينا الشورة السوداء
دى .

مفتاح: أهوه انا الملعون فى كل كتاب ، سبب الخراب و العذاب و البلاوى و كل ايشى، ولعى فىا ياما بجاز وسخ و ريحيني .

إنشراح: يابنى انا كان كل قصدى ان الطمع يقل ما جمع .

مفتاح: وفين ما جمع دوة ، دا إحنا ما طرح ما خسر ، دا
إحنا ما عدا وفات ، و بكرة ورا ضهرنا ، و توتة
توتة فرغت الحدوتة .

إنشراح: ايوة، الاسطوانة المشروخة الي فضلت مدورهلنا
لحد مصدقناها ..

هدية: عندك حق يا ابلة ،حاكم الدوى عل الودان امر من
السحر.

إنشراح: اية يا بت ، مالك قاعدة لنا على السقطة واللقطة؟
النفس و بتعدية علينا وواقفة ما بينا زى العقلة فى
الزور ، بردى قلبك شوية لحسن يولع منك وانتى
ولا انتى هنا .

رجل

المطافى 1: ايد واحد يا جماعة ، ايد واحدة (رجال المطافى،
يرفعون معاولهم وينزلون بها على الهرم)

رجل

المطافى 2: ضربة كمان بس الى هية.

رجل

المطافى 3: هرم صغير بس مناكف .

رجل

المطافى 1: رجل المطافى 1 : الثالثة ثابتة انشاء الله .

إنشراح: ربنا اداك يامفتاح ، بس انت الى موش عاوش
تشوف.

مفتاح: ادانى اية بقى انشاء الله !؟

إنشراح: اداك دكانة توكلك الشهد، لو اخلصتلها و
خليت عينك فى راسك و بطلت جرى و صرمحة
ورا النسوان، هوا ابوك كان يحتكم على حاجة
لما اتجوزنا ، لكن اقول الحق على رقبتي،
شمردراعاته و نزل و اشتغل حتى فى الفاعل،
و شال على دماغه القصعة ، و مقعدش فارد كفة
مستنى اللى يحن عليه، حتى و لو كان ابوة .

مفتاح: دلوقتي بتحاميلة يا اما ، بعد ما راح المقبرة بقت
فى بقعة سكرة !؟

إنشراح: لو مكنتش جبت البنت دهيه، مكنتش جرا الى
جرا.

مفتاح: ماهى حكاية كمان

إنشراح: (مقاطعة) اختك الصغيرة و شايقة اخوها الكبير
فى الهنك و الرنك ، منتظر منها اية ؟ طبعا هتقلدك،

قعدت مستنى موت ابوك ، و قعدت تستنى جنبك ،
ضيعت نفسك و ضيعتها معاك .

مفتاح: وانتى غايبة بتربى بنت الحلوانى ؟!

إنشراح: برد الدين الى فى رقبتي لة ، بعدما كبرت و علمت
و خرجت و ظنيت ان الزرعة هتطرح ،ورد لكن
طلعت شوك .

مفتاح: كنا شغالين انا و حكاية بالسخرة فى الدكانة ،
محدث فكر بناكل اية و عاوزين اية و ناقصنا
اية ، محرومين حتى من الى بيعملوة الحيوانات،
وكبرنا فى السن يا اما .

إنشراح: لاة ، مش هوة دة الى طرقتك دماغك يا حيلة
على رأى عبدة ، اوعى تضحك عليا ،ولو دماغك
تصورلك، دة انا امك إللى ولدتك، الحكاية و
مافيها انك بصيت لغيرك و اللى يبص على غيره
ميكسبش و يتاكل من جواه .

مفتاح: اشمعنى انا الى اعيش عيشة الكلاب دى، لية ما
اركبش عربية و اعيش فى شقة برحة، و اتجوز و
اخلف و اسافر شرم الشيخ و الغردقة و اصيف
فى حنة و اشتى فى الثانية، انا مش اقل من اللى

شايفهم حوالين منى ، اتخرجت من الجامعة و
ذاكرت و فلحت و حكاية كمان ، بصينا لقينا
نفسنا فى صحرا و عطشانين و جاعنين لكل
حاجة، و فى نفس الوقت شايفين الجنة من بعيد
و كل ما نمد ايدينا و يتهياألنا اننا وصلنا تبعد ،
ونمد و تبعد، و نمد و تبعد، نفسنا اتقطع و بقى
كل همنا ان ابونا يموت .

إشـراح:

عشان تورث و تهيص و تبقى عواطلى من اياهم ،
انزل و افتح دكانك و حبة ، عارف يعنى اية تحبة؟
يعنى يبقى همك فى نومك و صحيانك ، يكبر و
تكبر معاه، فى السماء رزقكم و ما توعدون، بس
ابتدى، لكن هتقعد تندب حظك و تلطم خدودك ،
المشكلة هتبقى اتنين و ثلاثة و اربعة، و كفاية الى
حصلنا، قطعت الفلوس و سيرة الفلوس .

هـديـة:

عضه اسد ولا نظرة حسد (مفتاح وانشراح
ينظران الى هديه با ستغراب) قصدى يعنى عين
وصابتنا ،فيه ايه؟

هـديـة:

عينك انتى ، خطيتى عتبه بتنا برجلك الشمال ،
هتقصى عمرنا واحد ورا التانى ، فاكرة تحت

القبة شيخ طلع تحت القبة عفريت ، البيت اتسكن
يا حلوة اشبعى بية ، هانسيبهولك مخضر ، ارمى
فيه انشالة تركبى عجل و تطلعى على الحيطان .

رجل

حاجة غريبة ، كل ما نشد لبره كل ما تدخل لجوة

المطافى2:

يبقى تزقها لجوة و بسرعة البرق نسحبها عندنا ..

الطبيب:

رجل

بس ممكن فى الزقة دى تختفى نهائيا .

المطافى3:

ما قدمناش الا اننا نجرب .

الطبيب:

رجل

ياللا ، بسم الله الرحمن الرحيم.

المطافى1:

(بصرخ) يا رب يا بتاع الغلابة (بسحب رجال

مفتاح:

المطافى جسد حكاية من داخل الهرم) (يستمر

فلا شر الاسعاف)

لحقناها فى الوقت المناسب .

الطبيب:

طمنى يا ابنى (الطبيب يكشف على حكاية)

إنشراح:

الطبيب: متأسف يا جماعة (رجال المطافي يسحبون ادواتهم وينسحبون من المشهد)

مفتاح: اية ماتت؟!

هدية: يالهوى ، يا ميتة و نفسك فى الكيوي يا اختى.

الطبيب: ماقلتش ماتت .

إنشراح: يعنى عايشة موش كدة برضة؟!

الطبيب: و ماقلتش عايشة، حاجة كدة بين البنين ، للاسف

مفيش اوكسجين واصل للمخ .

هدية: خلاص، نقعد انشاء الله من هنا لبكرة نهوى عليها.

مفتاح: يهووا عليكى لخمس سنين قدام ، انتى اية ؟
مابتفهميش حاجة خالص

ولا قصدك تخرجينا من هدومنا ، ما تفارقينا بقى، قاعدة وسطينا بتهبى اية ، يا جبلة ، يا لزقة بغرة ، والله لا شوفنا ولا هنشوف .

هدية: (متأثرة و تلطم على خدودها) اروح فىن يا ناس، متلظمة زى زيكو، انا ما صدقت حد يلمنى بين اربع حيطان، حتى لو كان فى عمر ابويا و كهنة، بدل ما كل واحد ياخذنى لفة و يرمى لى بعدة

واللى بعدة ، احنا يا مصريين كلنا بنميل على
بعض، و جاين على بعض، و ماعدش حد يقدر
يفرق مين الظالم و مين المظلوم ، و قال على رأى
المثل، اية الى جبرك على المر إللى أمر منة، انا
حكاية و حكاية هيا انا، و محدش يقدر يفرق بينا
الافى الاسامى، لكن الملامح هية هية ، و الجرح
واحد بس مين يشوف يا اعمى البصر و البصيرة.
بس ... (صمت) خلونا نشوف حل فى المصيبة
الى حلت علينا.

إنشراح:

الطبيب: لازم تتنقل دلوقتى اهوه للرعاية المركزة.

الجميع: بكام؟! (بنظرون لبعضهم فى خجل)

إنشراح: قصدنا يعنى المدة هتطول مش كدة؟

الطبيب: كلة عند ربنا يا حاجة ، فية حاجات العظم مايقدرش

يحددها و بنقف قدامها عاجزين، لكن لازم نتحلى

بالصبر و الامل، و نمسك فيهم بأيدينا و سنانا،

لو عاوزينها ترجع وسطيكو، يبقى لازم حكاية

تحس بيكوا ،متنسوهاش ماتخلوش الدنيا

تلهيكوا عنها، وانتوا بتاكلوا طبقها يفضل موجود

و تنادوا عليها اكيد هتسمع النداء

(يخرج الطبيب و يحمل المسعفان حكاية على

نقاله ويخرجان)

هدية: حكاية ، حكاية ، حكاية .

مفتاح: بس صوتك ميطلعش .

هدية: هوا اية اصله ده ؟ مش الطبيب المعالج قار

متبطلوش ندا .

مفتاح: غورى من وشى الساعة دى لحسن عفاريت الدنيا

بتتنطط فى وشى .

إنشراح: استغفر الله العظيم يا رب ، استغفر الله العظيم يا

رب، كفاية بقى ناقر و نقير ، البنت بتضيع من بين

إيدينا و احنا قاعدين نسمع و نتفرج .

هدية: متحمليش هم يا ابلة ، انا من بكرة هنزل اشتغل

انشاء الله خدامة فى البيوت الشغل مش عيب ،

اة .

مفتاح: وانا نازل الدكان من الساعة دى ، حكاية هتخف

يعنى هتخف ، هافكرك و بكرة هتفرحى بيها و

هتشيلى ولادها على كتافك .

إنشراح: كتافى ، يادى الملامة ، سبنا تحفة مغمي عليها ،

اجرى يا هدية هاتى اى حاجة نفوقها ، ولا اقولك

فيه ازازة نشادر على الرف الى على اليمين فى
المطبخ

مفتاح: ياما ادخلى نامى على السرير جوه، ولا خلاص
بقيتى غاوية عذاب

إنشراح: دا انا لو مشالتهاش الارض، اشيلها فوق رموش
عينى ،و بعدين يا مفتاح يابنى البت دى فيها
حاجة لله، و اد الكف و تقتل مية و الف.

مفتاح: اية فلاية هية ولا اية ..

إنشراح: لا، بتعرف تفرز و تميز، و اكبر من سنها و زى
ما تقول كدة ليها عمريين عمر تقدر تحسبه، و
عمر تانى ما يتعدش ولا يتشاف ولا يتمسك ،بس
بيتحس.

مفتاح: احنا ناقصينها، خلينا فى الهم الثقيل اللى
محاوطنا من كل جانب.

هدية: النشادر اهية (تلتقط انشراح النشادر ونشمها
لتحفة)

مفتاح: قدامنا هم ما يتلم ، هنلاقيها منين والا منين .

هدية: متكفرش و قول يا رب .

مفتاح: يارب يا هدية يا رب.

- إنشراح:** (وهي مستنمرة في محاولة انقاذ حفنة) فوقى يا
حبيبتي بسم الله الرحمن الرحيم النبي حارسك
وصاينك .
- نحفنة:** ازيك يا ماما انشراح .
- إنشراح:** ازيك انتى يا نور عينى .
- هدية:** الحمد لله يا ابلة الحمد لله .
- مفتاح:** ياما انت كريم يا رب ، هاتيها ياما ارجعها لابوها
عشان نفوق لروحنا .
- إنشراح:** ودى تيجى برضة ، انا الى واجب اوصلها لحجر
ابوها الأصول كدة .
- نحفنة:** خلىنى معاكى يا ماما مش عاوزة اروح .
- إنشراح:** لو عوقنا عن كدة ، ابوكى هيقلب الدنيا علينا .
- نحفنة:** عشان خطرى متسيبينيش عاوزة افضل هنا .
- إنشراح:** هنا هاتتعبى يا حبيبتي ، هناك فيه سريرك و لعبك
و هدومك الجديدة و توك شعرك .
- مفتاح:** والله فكرة يا ماما ، ماتوصلها و بالمره لو قدرتى
تستلفيلنا قرشين من الطوانى يبقى كتر خيرة .
- هدية:** ونردهم اول ما الحال يتعدل ، المهم ندفع مقدم
العلاج لحكاية .

- تحفة:** انتوا لسة ملقيتوش الفلوس .
- هدية:** انشاء الله هنلاقيها .
- تحفة:** انا عندي فكرة .
- مفتاح:** فكرة اية يا فلحوصة؟
- تحفة:** انتوا مش عندكوا كمبيوتر فى الدكان .
- مفتاح:** اللهم طولك يا روح ، عندنا كمبيوتر فى الدكان.
- هدية:** ماتتخلقشي عليها و سيبها تقول الى عاوزة تقولة.
- إنشراح:** عندك حق يا هدية ، اهوه انت كدة يا مفتاح يا بنى،
لا منك ولا كفاية شرك.
- مفتاح:** اتفضلى كملى يا استاذة تحفة، يا دكتورة
تحفة، اضربى الارض و طلعى بطيخ، حاكم
ناقصنا بطيخ .
- تحفة:** اكيد عبدة قايل كل حاجة عن فلوسة للجهاز.
- مفتاح:** روحيا يا امه، دى ضايعه و مش عاوزين فلوس
سلف من حد، روحيا. ابوس ايديكي .
- تحفة:** انت بتزعقلى لية يا بوز الاخص انت ، عمال تشخط
و تنظر و مابتقولش حاجة مفيدة. هانخسر اية لما
نجرب .
- هدية:** عندها حق ، هنخسر اية لما نجرب .

- إنشراح:** وماله يا بنى نجرى منجرىش لية .
- مفتاح:** طب وكلمة السر يا فا حين ؟
- تحفة:** كلمة السر .. كلمة السر .. كلمة السر مش انت اسمك مفتاح .
- مفتاح:** ايوه .
- تحفة:** و اختك حكاية .
- مفتاح:** (مفكره) قصدك ؟
- تحفة:** ايوه تعالوا نجرى مفتاح الحكاية.
- الجميع:** يا بنت الاية يا تحفة .

اظلام

FARES_MASRY
www.ibtesama.com
منتديات مجلة الإبتسامة

المحتوى

5	* المقدمة
21	* السرقة الكبرى
87	* المعجزة
89	- الفصل الأول
124	- الفصل الثاني

FARES_MASRY
www.ibtesama.com
منتديات مجلة الإبتسامة

ولأن العالم الذي تنهار فيه الأبوية الراحية وتتبدى وقد سرق عمرها، وتبددت حياتها عبثاً، هو نفسه العالم الذي تسوده الأبوية المنحطة بأنانيته وادعاءاتها وقدرتها على تدمير قوي الحاضر على نحو ما تتمثل في جيل الشباب "عبلة/أحمد/ فاتن، مفتاح/حكاية/هدية"، فإن الاضطراب يسود الواقع الختامي، وتمتج الحقائق بالأوهام، ويختل نسق القيم، ويتبدى المستقبل أحجية لا يحلها إلا العلم. فإذا كان اختبار البصمة الوراثية الملجأ الأخير في السرقة الكبرى، فإن الكمبيوتر المخرج الأخير في "المعجزة" الذي توصي به "تحفة" التي تبدو وكأنها تجسيد رمزي للأصالة الاجتماعية بانتمائها للحلواني وتربيتها على يد "انشرح"، إذا ترى أن "عبده" لا بد وأنه أودع سر ثروته في الكمبيوتر الخاص به، وأن كلمة السر للدخول إلي عالمه كامنة في "ابنه" مفتاح "وأخته" حكاية".

A festive Christmas-themed background featuring a large red ribbon bow, several red and black Christmas ornaments, and a gold star, all set against a deep red background. A piece of aged, yellowish parchment paper is layered in the center, serving as a backdrop for the text.

Exclusive

For

www.ibtesama.com